





西林陳先生紀略

門人徐永宣纂

先生姓陳氏諱鍊字道柔世居北郭門外距郡城五十里而遙地名西林學者因稱西林先生先生系出雲陽十八世祖東卽宋建炎中以摘奸被禍者也數傳後遷於毘陵其諱孝先字百原者先生大父諱墀字辰丹者則先生父也先生幼隨大父讀書館舍過目成誦不俟講解而大義盡析長以諸生餼於庠文譽大起所爲制義雄深雅健菴有前明大家之長而根柢在五經波瀾在史漢吾邑言詩古文之學者亦必推先生學該才贍如錢綱菴雖同硯席猶嚴憚不敢以鴈行進始先大夫



執經於辰丹公永宣年十五先大夫爲擇師計無踰先生者爰命永宣受業先生所以淬礪磨礪者甚至先大夫未久卽世太夫人待之不懈益虔癸酉北游應楊丈芝田諭德之聘授經於農先進士栞萬編修二年乃歸歸而過從如生平歡蓋自始侍側至先生易簣餘二十年師弟子誼永宣謹誌之未嘗一日忘也先生於學無所不窺而其指歸必宗朱子自有宋諸儒下逮元明其書靡不研究其持論與朱子異同者皆參考以衷於是性孝友以出贅析居城中晨昏少隔然營甘旨必力嘗冒雪問省行野田中阡陌盡白至迷不得路仲弟鑄天孀孤無依割已田以鬻猶子娶董氏中年厄於水卒遂

痛不再娶旁無姬侍集中詩所云背冷肩寒二十年蓋實錄也晚自署半緣居士取微之詩以志感遺挂在壁清塵委牀先生殆沒齒以之矣曩歲辛酉秀水朱竹垞先生典江南省試得先生卷評曰古音璆然不可方物已置領解七日矣外簾失第三場墨卷輒被放自乙亥出京師後不復入意怏怏無所施益游心內典與六七故人爲淨土會六表以後得風疾扶藜白髮嬰跚道左見者傷之永宣竊謂造物者篤生先生宜使之發聞當世以暴其所學次猶取一障而乘之乃卒摧傷顛頓至于貧病以歿韓昌黎有言不知造物者意竟如何豈昌其文而故嗇其遇哉然有識者揆短絜長以決取舍固



在彼不在此所著古文若干卷詩若干卷手定科舉文  
有六有齋存藁芻靈二集先生生於順治二年乙酉十  
月初十日卒於康熙五十四年乙未正月十八日年七  
十有一子二曰瀾曰潤先生詩發源少陵昌黎間闡入  
子瞻魯直大畧妥貼排奐不以鞿悅爲工永宣旣與莊  
編修蓀服甄綜之發雕矣謹哀次其行事俾後之人有  
考焉

西林詩鈔卷一

武進 陳 鍊 道

芷園先生王嗣衍閱定 山陰孫 讜椒圃氏選

古詩

西林有薄田力懦不克耕浦南有市門性濶不耐營君  
看競刀錐腐鼠秋蠅爭扶犁發東臯健與黃犢并我生  
能何爲接字雙眼清晨炊睨虛盎厨人色怩怩一笑謂  
妻子安貧古人情強顏實懷慚振以商歌聲

有母猶尸饔有兒能負薪尸饔一何苦百年長食貧饑  
雛志一飽發書哦周秦但憂膏油慳中夜常含顰男兒  
一墮地俯仰行有人廓茲一體愛躋世三皇春斗室猶



西樵詩鈔卷一  
咨嗟何以弘吾仁三歎成此曲此曲懷苦辛

江上口號

兩年蕉鹿復籠鵝  
蹙喜臨江一放歌  
月照庾塵汗几席  
風來申浦洗松蘿  
清汀白鷺行人少  
黃柳烏鴉落日多  
自笑不閒閒便得  
布袍何用妬漁蓑

送鳧令北遊用亮功韻四首

露井含桃頰醉初  
故園書到轉欷歔  
支離病客方乾蠹  
辛苦王孫又蹇驢  
感顙彈珠羞逐塊  
看花韉錦惜沾淤  
諸侯高坐多題目  
名士江南此不虛  
十載鱸堂賴有君  
藐姑冰雪氣蒸雲  
鬼神涕淚三閭史  
孝友淋漓八代文  
煮字可堪加溢米  
洗囊無復羨完裙

我憐神駿傷心處  
獨立嘶風不肯羣

絕域愁城鎮日關  
不辭吾道共辛艱  
鑄成豐井雌雄劍  
搜遍淮南大小山  
銀燭替人清淚落  
錦衣乘興黑頭還  
那堪抱影逃空谷  
千里看雲一目鰥

蒼茫爲爾問高天  
祖德幽潛四十年  
不道鳳毛爭鶩食  
也知鵬運起龍淵  
羈心春雨丁香結  
妙手東風柳葉穿  
欲送賤軀成底用  
河梁日暮倚嬋娟

虞山錢夫子送許南交到常州傳示里中諸子  
四首依韻奉寄

極目南雲發永嘆  
不聞夫子操猗蘭  
幾聲啼鳥腸千結  
無數落花人一寒  
載酒未能趨蜀郡  
溫經何敢後丁寬



天邊忽下歸鴻帛燕識歡心語畫欄

誦師長句贈汪倫苦憶論文細入神屢照芸窗眉欲語  
頻呵冰硯指常皴春明奉席看花處夜半傳衣負石人  
改築杏壇辜嚮往尚湖諸子正閭閻

始悔臨關語勿詳俵俵幽室事徒忙著書松老沉虛籟  
食字魚饑辟斷香闕澤錦綸姜父釣蘭陵美酒鄭公鄉  
何堪投棗雲尖上弔屈文成憶渡湘

久指并州是故鄉問津諸子共徜徉紛然穆醴三行地  
空有林花百和香亂石咽泉移鶴怨離亭插柳學人長  
羸糧遲往傷匏繫紫氣東來候納涼

虞山夫子七十次易農先生韻

八百纔過七十年從游七十更三千中分魯國尊王兀  
不事唐堯傲祖籛趨步未能甘瞠後橋衡何向每瞻前  
赤城名署丹臺上跌宕人間號謫僊

詞客稱觴盡獻詩海籌盈屋羨京坻朔桃安棗千年果  
杜律韓碑百世師鸞舞瑤雲憐此夜鳳舉燕雪憶當時  
鷹揚世兄  
公車北上升堂自發黃鐘響不遣笙歌繞絳帷

代書詩八十韻寄亮功

人生非鹿麋安得如磁鐵所恃漆性醜不在斗柄熟祇  
傷百年暫動作經歲別離羣來他鄉中腸常苑結籠鳥  
頭觸隅韝鷹臂掣繼變現山色身唱和溪聲舌逋逃虛  
空境偃仰線天穴白晝蚊陣轟錐股動墳凸惡鳥黑夜



西村詩集卷一  
聒土人貌鵝鳩酒杯含酸辛歌場賸悽咽東侯知愛敬  
徒子亦周折問奇博開顏授餐擬祝噎神奉鵬垂天跡  
接蟻盤堙勞勞素心人杳杳白雲潔有奇誰與賞有疑  
誰與晰余與諸君子同光共明滅雞壇奉盤鋌四面表  
茅蕝風清杯偕持月黑裾並禳賦詩宗杜韓論文祖唐  
薛磴危鬱差峩縷修汲漻沈頓足地軸翻拔劍天柱折  
下視世上兒不足供一映憶昔君益傾文場互頑頡英  
英歲寒篇犖犖一時傑過從城南隅挑戰掉鞅軼我軍  
猶逍遙君師已簡閱左射右有辭號正心則譎文追韓  
光怪詩哂蘇點纈鄙人如曹檜陳編效盜竊蓉江痛君  
傷桃渡笑我蹙寄情霜栢堅音眈音眼風花瞥悠悠四年

來遠作飲潭蜺冬轍澁流澌春颿駛澈冽家園魄一圓  
客舍輪四缺言念五日近朋儔正聯綴雲尖水嬉張畫  
閣高宴設同官酒行酣梨園歌未闕爭看奪錦回鵝翅  
鴨頸振如何隔一江風俗遽乖別其民賀佳節麴飯飽  
饕餮煮酒佐一升斲齧傍門楔乘車不乘舟苦飢不苦  
渴唇乾習鹽腥舌燥食井渫所以金沙賈居貨望彌缺  
富者嗜六安醬色味麪屑伊口誇不休吾齒呷如蜚翻  
哂陽羨茶淡薄不堪啜間有好事者旗槍亦排擷所性  
雅不存黽勉弗面訐吁嗟宋章甫往來費提挈世事靡  
不然孰從辨妍拙此時渴南還留滯如肘掣客歲夏五  
帆江心颿風颿幾葬大魚腹如殉汨羅節人生會有死



死溺太薄劣千秋萬歲後誰並靈均說緣此畏臨深戒  
行輒復輟家人問刀環游子報金玦閒停南浦雲甘哭  
窮塗轍吾黨皆善鳴君才最雄桀閏年厄黃楊於今吐  
牙蘖雷車驚兒童夜光懾魚鱉前期五雲多顧我日西  
跌所望同懷榮焉爭一手烈勗哉弘遠謨許身比稷契  
處爲膚寸雲出爲千里決富貴縛軛牛詞華孕蟹蛤近  
聞朱五經斬焉在衰經董生方鼓盆莊子猶泣血稍喜  
許三婢抱子自怡悅楊大虞山歸師說何處切未知黑  
裘敝可得衾裯列惴惴詩田南山菜字識蒼頡執戟諸後  
賢匹錦都割截落落晨光星宛宛臆間鏃角立志騰上  
索居氣萎茶何物一衣帶限我歎遺子陶輪手旣空縮

地才復竭賦詩代尺書狂吟轉淒絕徧問諸君子并示  
族弟準

叶  
次韻答亮功見懷之作

足響楚然爾至門更誰芳草憶王孫窮愁抽髮三千丈  
風信催花廿四番遲我唵成開口笑泥人棋散稱心論  
秋高力薄枋榆跌翻羨培風勿浪騫

立素招仝禎符鳧令陟三靖元聲洲集立昭水

榭

有客行唵倚夕陽情人折簡漫流觴高秋空獻天人策  
此日平分上下牀樹底得詩題葉背酒闌跋燭看魚腸  
強他弱羽低飛急猶帶沙塲殺草霜



寄懷在衡二首

鸞儔分拆隔鴻溝，渴病相思匣裏求。  
伏劍易酬公子德，倚樓難得美人頭。  
一城晴雪家家雨，百日陰雲片片愁。  
歲晏署閒無箇事，竹林深處美遨遊。  
把君一紙放雙眉，忽報瓜期欲後期。  
能使椿庭寬倚望，敢論松徑又差池。  
朱絃塵網彈來澁，黃海雲封夢往迷。  
憶事懷人應有作，捧心摹殺里東施。

野望書懷

衝寒閒踏舊魚磯，墜戶人情識履稀。  
何處水雲孤鴈叫，滿城風雪一僧歸。  
杜陵廣廈雞窠是，白傅長裘犢鼻非。  
慙愧綈袍溫范叔，千邨機杼泣無衣。

兒子能和詩戲占一絕

湯餅長筵喜氣盈，憐渠末座句還成。  
敢云詩是吾家事，見說清于老鳳聲。

送在衡之新安學舍兼寄懷左黃

浙浙復離離，吹動客子衣。哀鴻叫青雲，黃葉翻晴暉。  
念子未朝食，庶幾知我饑。輕裾薄天寒，怒焉趨庭闈。  
庭闈樂千端，棄我忽若遺。况有竹林賢，松醪釀書幃。  
嘯巖倚鸞音，凌澗穿朱扉。惜哉無輕舟，引領願則違。  
聞聲渴相思，此道今所希。客塗具雞黍，歡嘆相因依。  
遇左黃於懷人意，草草送遠淚。霏霏爲語我所思，附書鴈來歸。

送仲嘉之宛陵在衡之新安



長風萬里大江頭紅蓼青蘋一片秋追紀客秋與仲壁嘉避風江渚事

上望塵驚破釜敖前掬指笑爭舟酒能養喜人難老筆

不誅降數必侯豈效子雲徒守嘿龍文鳳綺早成樓

儒冠紈袴不相能念我悲辛韋左丞紅葉楓林雙騎去

白華樓檻一人憑敬亭獨坐鳥飛盡黃海高吟雲四蒸

自笑不離籬落畔關心天外起鷓鴣

秋深

秋深吳市作秦聲駟鉄蒹葭滿座生西上玉山愁被褐

東歸珠海喜銷兵漫天木葉何無賴匝地金錢菊名近有

情咲口向人藏痛哭六經疑是不平鳴

殘菊

憐汝晚來秀孤搖寒壁光淡然人不見恥與衆爭芳青

女邀三入吾詩得幾行早開零落盡獨立未須傷

壬戌除日和芋莊韻二首

衝泥野老斫生柴換取香醪十字街輸爾西成還魯酒

悞人南徙是齊諧夜殘膏火兒燒葉晨起炊烟婦拔釵

欲設瓣香蘇晉佛未妨虛室稱心齋

野水添杯舍北江子家何須死後葬燒缸金條蓓蕾將

軍壘綠萼橫斜玉女牕斗米窮冬艱遠負洪鐘午夜噎

微撞六年廢蓼傷心地先君子丁巳年棄世血淚模糊暗壁缸

送拱樞公車北上

黃梅透白雪香發玉女牕金粟閃閃紅數爆銜壁缸念



君就計偕凍漸飛彩艫翩然別我去行行渡邗江過淮  
春氣溫輕車錦韜杠老友與偕載吉彥譚經音擬擬長塗  
共促膝薄酒肥羊控咲詆禹廟碑高豎纓絡幢文運日  
萎繭吳歛弋陽腔誰云狂瀾倒濇縮十月龍嗚咽不成  
聲何處聞琤淙愛君湖海姿蘊渟未施邦羣籍日沈酣  
洪鏞橫擊撞成竹鶻落追禹鼎筆力扛洋洋經國謨一  
洗羣言哢雜亂不能軍君其城受降文藝本器識輓近  
亮鮮雙悠悠時俗界可無樹崆峒二月杏花繁摧拉枯  
林椿泥金下雲尖咲指紅纏缸

除夕

時逢此日小承乘辜負年華一撫膺漸覺世情粗蕩滌  
尙餘孤憤未樵稜周妻何肉前塵事梵卷軍持退院僧  
贏得江都好兄弟一樓晴雪每同凭

次韻答亮功見慰下第之作

已辦抽梯偶下樓因人去踏故宮秋夢牽蟾窟偷靈藥  
身寄鶯籠絕勝游漢景好妍臣獨醜劉伶不帝我無侯  
開船浪說風吹散休信人間有十洲

亮功大雪入城愴然念之

瓜期早附運租船白雪黃雲劇可憐雲影却輸帆影疾  
雪花爭比筆花妍斷鴻搖荻飄衣絮凍雀翻帘喚酒錢  
莫倚蒯緱吟薄暮恐驚鮫淚湧龍泉

題一公房



偶愛風旛入座隅便容狂客縱清娛吃齋洗鉢龍眠穩  
補衲穿針虎病蘇一公能醫香炷指彈飛玉屑花陰茗戰當  
醍醐怪來垣外行人見靜裏山河色相無

枕上口占

回風嘯鬼滅銀缸幾點疎鐘幾處撞最是秋冬人寡寐  
况兼愁病雨吹牕何能雲外飛雙鳥底事人間限一江  
徹夜攪腸難合眼旅魂奚自上歸艖

誰歎

誰歎稽阮擅風流吾友人文迥絕儔豈有道書資任達  
更無隣女結綢繆客前二溢情何切賭罷三升血不休  
莫是夜臺人抱送好耘蘭畹報高秋

送健夫游鴛湖

平生懷大鳥刷羽天池窄南將凌碧雞北將薄碣石西  
將蹋崑崙東將宿滄渤吁嗟鍛雙翎從人寄鷄柵一枝  
廓廣厦數粒甘食藉母子時睽離伉儷痛永隔衆雛尙  
無知失哺愴柴瘠以此傷心魂衿趾都剝坼望雲常啾  
啾望水常脈脈吾宗有奇姿八極恣揮斥朝披扶桑霞  
夕舞霓裳拍其音引鸞鳳其文耀虎脊客秋鴈南飛偕  
來憇江澤沙冷鵲鴿寒行搖其晨夕懽娛方及春佳林  
行遠澤言向鴛鴦湖曠然白雲適中有三十六雌雄聲  
籍籍羨爾與回翔光華動遙宿雖雖相和鳴神聽亦怡  
懌應念羈棲卑觸隅自嗟惜何時解籓籠共爾振長翮



鳳巢猶人間一笑腐鼠嚇

冬月患癰連旬委席枕上偶成雜詩十二首

浩劫浮生痛苦中敢辭蠶室暫鶯籠  
蠅頭蝸角奔馳急雨箭風箏激射工  
曾向海濤吟坐穩今歲六渡江矣轉於牀第

哭途窮可憐萬卷三冬夜敗絮蒙頭類老翁

疎簾烏影怨纏綿長夜漫漫又小年  
呼籲恰逢天帝醉呻吟還動故人憐

消憂情話柴桑叟換骨靈珠海上仙

信有苔岑關性命雪花風片走濤箋  
患劇時荷同里諸君暨此間諸子釋

絡省視風雪中猶枉札見存

勾引文殊到草堂莫非摩詰住東方  
並無妙手移蓮座

但有忘言坐石牀結制九旬初學智  
慶雲于十月望結制安心兩

字大醫王主賓生殺拈莖草那要天花散道場  
慶雲和上着西

堂師法具來問疾

目斷南雲黯黯悲兩旬青鳥信差池  
莫非孤館捫心日

都是高堂嚙指時母子呻吟江水隔  
老母患瘡未痊弟兄情事

月明知阿奴碌碌誠輸爾長日長筵進一卮

搖曳心旌醉夢過不成悲泣不成歌  
藕絲精血歸沉腐

針孔光陰浪折磨鐵骨裹綿欣鳥塌日竿影  
草咲鷄窠

事求如意知違道動忍於今愧未多

說是并州也越吟泥他溫語破陰森  
道人遠致茅山术

賢主親貽上黨葭病以離家偏刺骨  
痛緣反本劇傷心

那堪墮馬翻為福贏得朋儔屢盍簪



昨宵燈穗報今朝堂上封泥凍未消  
差喜晨昏強再飯  
尚憂寒熱滯三焦  
荒村醫遠愁和藥  
浪子囊空淚滿綃  
辜負閨人羸好夢  
寄衣還準去時腰  
塞草燕雲遍斗陲  
人疑黃竹奏新詞  
乾坤慘淡冰壺合  
煙火淒清玉律吹  
岐路皇孫哀葛練  
誰家婆婦泣機絲  
先憂瓌瑯毫無補  
鷄骨蠶叢祇自悲

叩笮扶桑迸曉笳  
堯封禹貢不堪誇  
珠淵舊網珊瑚樹

銀漢新歸鑿空槎  
未免鞭笞貧到骨  
且教萇楚樂無家

高賢過巷還憐病  
上帝深宮酌紫霞  
與周非老偶及貧也非病語

地軸掀翻最上頭  
殺函况是古王州  
聞秦中地震董帷繁露

停盃想班史天文  
伏枕搜六代銅駝  
全瓦礫五陵衣馬

半蜉蝣春風欲送流  
鶯到先贈冰壺貯我愁

螢火飄零蠹始乾  
管城花老夢無端  
早啣帖括俳為戲

終惜繁纓議築壇  
雷鼓那同鳴蚓竅  
江潮何似瀉哀湍

病夫神王非關藥  
楚漢場中得縱觀  
得友人近藝

為念呼天夜枕橫  
關心藥椀迸怔營  
但能董相三番對

便是枚生七發成  
陰惜計分書計寸我  
懷斯邁爾斯征

即看草滿鶯啼路  
轉盼秋風鹿又鳴  
示季生

黃雀行

道傍有黃雀鍛羽方垂頭  
雪虐風又饗向人鳴啾啾  
鬱

鬱槐花林可為稻梁謀  
勾引入黃花棲食得自由  
花枝

忽搖動花蘂傷毘劉  
誰謂雀與角使我懷沉憂



九月十七日入鄉十九日渡江廿日到館雜書  
 塗間情事寄里中兄弟四首  
 翩然又向水雲鄉病馬斜陽一色黃風颭亂蘋紛起浪  
 雨留殘稻暗生香窮途欲泣翻成咲獨客高歌自覺狂  
 賴有知音堪問道糝羹餈粥味偏長  
 母病連旬怯下牀兒裾欲拂更淒涼春秋鷓鴣心飛擲  
 食宿東西計渺茫近岸漁歌移別浦誰家簫鼓鬧新孃  
 可憐老女偏難售濯錦湘江怨夕陽

憔悴江潭問渡人虎頭兄弟最相親

中表顧只天兄弟漁灣蟹

斷去聲循行急細雨斜風掖送頻兩鬢霜毛隨落木半肩

芸簡作勞薪多情更有燒車鬼跌宕風波不離身

天賦秋容餞外臣蘆花欲老蓼花新觀音門外曾經浪  
 羅刹江邊再問津蓬折波心人似葉棹膠沙嘴月如銀  
 仝懷兄弟今知否穩坐鄉園莫苦貧

哭女詩 有序

長女聯芝生康熙戊申十月初九日殤以庚申九  
 月十八日女生慧而孝甚得父母心祖母及外祖  
 父母絕愛憐之不幸短折擬作傳誌悲塞胸臆握  
 管絲絛抑痛蘸淚以詩代之得長句六首杜工部  
 詩所愧為人父無食致天折余能無歎乎哉冀世  
 之見是詩者哀余生之不造而以哀余者哀余女  
 焉或曰世無有哀爾者於爾之女何有然則予亦



自寫其哀云爾

嬌女盈盈歲十三掌珠失却夜菴菴淚翻苦海龍眠醒  
叫徹鈞天帝飲酣兒輩無如渠最好吾生自此恨難甘  
旁人解釋尋常痛貧賤爺娘百事慚

外家晬日剪新紈補綻多年掩骭難花葉離披愁爛熳  
波濤移圻涕洟瀾忍寒雪夜評風絮愛潔瑤臺想玉棺

暇日子偶言王喬玉棺事女疑  
想良久曰未知玉棺皎潔何許妖夢忽催天上去內子  
夢家

人自外携一棺歸光彩可鑑  
心甚惡之不十日而踐妖夢嫦娥從此不孤单

水旱頻年莫給饘硯田荒後更顛連甘心糠覈猶難飽  
隨意燕蘇若坐禪藥以少錢醫減費病緣貶食天增憐  
泉臺不比人間世爾祖含飴兩頰邊

先時汝母病踰旬累汝連宵不貼茵洒淚壁隅還獻笑

經心藥梳必沾唇正憐對月團圓好誰料臨風涕泗新

甘代慈幃真不免內子疾篤女禱  
斗姆願以身代木蘭應是汝前身

冬日機絲夏緝麻辛勤十指候歸鴉穿針尙繫長生縷

刺繡猶開未了花悶酌樽空誰浥注愁眠背癢自搔爬

從來繞膝艱踰闕何處婆娑覓爾爺

遠樹陰陰又雨絲朔風催剪玉田芝眼昏蝶紙猶飛處

淚濕鮫綃罷織時藜火伴吟光照几糝羹親爨滑流匙

可憐嬌女今何處絕少詩篇替左思

古詩五十韻代唐若營與周蓉湖

憶昔某與公同游蔣師門蔣師號櫟菴高路道益尊講



堂開城南風雪恒溫溫善操人倫鑒寸鬣知鮒鯉伊時  
坐春風鬱鬱皆崇宣文章特外篇道誼期勿諉就中尤  
器公泥塗决高騫玉趨致青雲虞淵起朝暎自顧庭除  
間云此皆犬豚他日累諸君振拔其懦昏溫飽不足云  
所賴人類存不幸師言中身後運否屯時逢庚癸呼并  
日得一殮死者長已矣生者多竄奔長君脫身走饑驅  
彰義門幼弱尤顛連東西萍一根存亡不可知十載銜  
憤怨長君死京華杳杳千里魂吾師至德人慘矣伯道  
冤師喪久未襄白月照壞藩及門爲負土旋葬先人原  
忽傳羅刹江飄泊其兒孫人家作傭保憔悴同奴髡干  
鈞垂一絲十舍疑九閻盈盈悵脈脈慚負師恩傲聖朝

重學政我公承東籓王事已手据師恩復心捫下車諭  
所知我有蔣世昆轉徙睦婺間伏匿何處村檄下得其  
處連城易璵璠秉燭當夜闌相視淚潺湲遣歸奉慈幃  
村醪瀝一尊起死肉白骨我公德難論二子非我公沒  
齒結憤悶生傍夢兒亭死埋桐君濱今夕復何夕得共  
老瓦盆隣人唁其歸歎泣各聲吞感公更有言歸去艱  
朝昏郭外無一區叔妣未媾婚雙袖耦耕手何以供蘋  
蘩此事寔在予予不食此言上天眷善人生意春草芘  
出亾旣歸里兄櫬亦旋轅生離與死別會合如雲歎聞  
者歎希有見者涕瀾翻君子澤不斬實惟我公恩人生  
誼在三此誼古所敦胡爲今之人一變爲貉狉甚者鍛



相向小亦唇微反非公秉高義何以爲乾坤

哭楊起文

人握靈珠虱處禪公亭再出古今尊  
養蔬香草羞爲佩  
梧杓天池恥化鴟  
泰厲朝吟依窈窕  
巫陽夕下問煩冤  
遺文恐有蛟龍攫  
雷雨蓬牕不敢翻

哭周生

盤園環翠水如環

環翠軒名

果熟花開一啟關  
辛苦三遷樽

俎地

到關館凡三遷  
關有先師廟

陡無人伴看青山

蘭根蕙葉慘披離  
不及金風玉露時  
人世短長何足較  
却憐香草變蒼蔬

一總風雨共芸香  
要把奇文叫上蒼  
不忍便教泥醬甌

爲君收拾送咸陽

把衣升屋已徒然  
安穩長眠莫返天  
誰料先生翻後死

淚珠零落玉田煙

浪說忘悲祇自勞  
此生紅淚盡青袍  
從今守桂無畱跡

守桂軒名

莫是吳剛斫一刀

冬日雜詩十首

江城歲晏儼山村  
不是羈人亦黯魂  
晒稻瓦塲惟鳥雀  
種花籬落半雞豚  
幾株衰柳斜穿戶  
一帶寒流曲抱門  
槁葉蕭蕭風颯颯  
迸吹疎雨又黃昏  
吳剛倚桂哭蟾蜍  
北溟飛騰懈索居  
不道輕車翻一跌  
却緣便笥鬪三餘  
文成魯史原盲疾  
事出南華信僻書



自古順時能鵲起顯官容易腹空虚

寄友人

素絲岐路淚潛然襍硯備書竟石田邈矣一天存夢外  
肅焉萬感到燈前非無口耳難爲語別有心情不受憐  
坐數屋椽行數鴈比來消息指頭禪

望物書雲野外寬少微星畔眼漫漫葉畱紅樹旋輕煖

花放黃梅正薄寒新貴侏儒駝瘦馬故山長嘯倚青鸞

莫教愁緒隨他長一綫光陰到祖壇

至日赴慶雲和尚

薄寒小病互夤緣行藥拋書也靜便因病得閒思往事  
觸寒生感念當前幼而失學誠難補壯不如人劇可憐  
浪說有心營四海眼邊兄弟幾顛連

孤眠愁緒藕絲中路黑楓青夢不通黠鼠猖披欺老吏

荒雞雜杳叫英雄女蘿含睇三更笑寶璐高馳四壁空

漏盡恰聞僮嚶語小樓人氣揉陰風

維摩花室卧經旬牀下低頭問苦辛載酒未能慚識字

羸糧何日快兼程香山錦谷畱深翠水閣烟堤報早春

健步遠梅應有作好風難送尙湖濱

懷虞山師也

月中顧影獨相親放眼狂歌意外身不讀南華貽後悔

懶從西竺問前因鯨魚翡翠傷今日大樹蘭苕感昔人

但覺白頭還避灶百回相見百回新

檀心磬口遍江濱病榻蕭然黯夕曛何處折來還贈我

幾回看去若逢春刃成金屋藏黃額漫說銅瓶貯綠雲

靜對四更猶未寐暗香疑是月中分

謝友人贈黃梅



朔風悽緊撼枯條殿角崢嶸影動搖長恨英雄閒處老  
劇憐筋力病中消眼昏野馬迷朝氣足亂沙鷗落晚潮  
失路問津非一度况經摧鍛羽翮翛翛

西林詩鈔卷一終

西林詩鈔卷二

武進 陳 鍊

陳鍊

芷園先生王嗣衍閱定 山陰孫 讜椒圃氏選

題歲寒圖贈子益并示若營

歲莫一寒至寒至百物毀造物愛生成物自絕生理力  
瘁冰霜中氣盡繁華裏古心蘊虬松傑立天地否風號  
濤彌清雪欺翠逾美天矯欲干尋貞固可百紀下視三  
春姿慘淡失桃李何況蒼與蒹糜爛知誰是其友家羅  
浮一樹垂垂葢葢發生奇香如海泛香水何辜逐臭夫  
甘心致之死死則爨下桐生亦櫪間箠誓言赴急難誰  
與相角踦言有震蒼筤蕭蕭水之涘枝葉行扶疎中虛



色不滓以心予大夫以身翼處士處士顧之笑吾乃累  
二子憶昨締羣英息壤猶在彼今日是何日百卉從風  
靡茫茫天地間而我此君耳蒼蒼敵雲山落落布園綺  
庶幾敦久要一雪鮮終恥

寄題君子堂二十韻

憶昔抱遺經茫茫泛江汜紛飛一葉舟人命等敝屣繫  
纜謀賃春一字易一米浩歌舒憑噫出門見吾子吾子  
夫如何木鐸徇于此掀笠一相笑兩各忘所以月好邀  
同看雪積猶接趾茶椀東西銘酒杯南北史良會不可  
常虛舟亦生否飄然辭子歸子念予不已今春突如來  
分手復倏爾參商又歲時霜雪填骨髓霜降草以衰雪  
深梅以蘖吾子松柏姿蒼翠寒逾美何以敦久要君子  
堂在彼後有光霽臺傍有紺寒水蓮花開其中梧柳繞  
其址堯夫古人豪茂叔古君子古人不可作斯道在後  
死抗顏躡高蹤吾子勉之矣

送節孫北游

山分大小計書程靜對薰爐近有情騰起春雲何靉黷  
養成秋翮自飛行舍毫夢裡雙葩吐落紙源頭萬斛傾  
詞賦聲名方籍甚公卿誰不愛逢迎

送翔念北游并寄懷同硯諸子次長卿韻二首

又是蛙聲閣閣時連宵梅雨漲河湄朱家邀去當歌酒  
洛下傳來代簡詩

鳧令有詩見懷

今昔知交雲影散萬千情緒



月明知相逢且復斯須樂何苦淒淒說別離  
陳人身世羽毛輕吾黨聲華重兩京生下指天皆作佛  
浪添頭雪漫稱兄三言欲定曾參案千里能操許邵評  
相見只煩將片語慈恩塔上可留名

送彭直上學士八首 選一

三秉文衡國重臣蕭然行李五湖春誰知一棹漕艘上  
上有龍樓鳳閣人 附舟還朝

贈沈心齋諭德

西笑曾窺尺五天登車真御闥風仙鳳梧恰喜開弘閣  
蝦菜俄驚泛蠡船水檻鱸和婪尾辣家園菓摘樹頭鮮  
三年閒却凌雲手又趣黃門賦籍田 時將北上

皇恩只許兩朞留 前此以內 瀟洒江湖又過秋安石管

絃調氣運傳岩霖雨重滄洲吐茵欲矢捐埃報活命空

慚束縛酬酷憶湘妃初築館夜深頻荷玖瑤投 歸舟覆水備荷

拯恤之德

梅花和韻四首

無邊風韻是天真况有冰心透早春手裏玉杯矜絕代  
意中空谷見斯人巡簷疎影偏相亞捉鼻寒香更獨親  
笑煞素衣塵化緇未須加紫漫稱臣

誰家西北有高樓位置仙才最上頭不少道書人外讀  
更何鱗爪世間求幾層霏玉空塵思一陣清香蕩客愁  
無事得來閒並坐海中風便泊三洲



江南春色到翁家冉冉雲停萼綠華出水弄珠看織幕  
倚醺微暈喚煎茶多生冰雪蒸蘭韻少貶高寒不杏花  
梅有三色摩詰堂前自香國未來天女也毘耶  
丰格何須夸惠間傲焉長抗古人顏貞心雪壓寒彌厲  
香性風飄老不慳愛與薜蘿縈卷帖耻隨楊柳傍關山  
自慚有玉何能潤一體水清映石頑

和落梅四首

有引

外舅既用前韻咏落梅四首芋莊復園諸君子各  
賡和如其數錦心繡口爲此花重開生面矣僕本  
恨人對此風飄潛焉雨泣醮淚吮筆不自知其作  
何語也外舅安心禪悅視成壞色相無欠無餘其

有以發其蓬心矣乎

無端零落條歸真萬恨千愁對早春碧玉竟拋騎鳳客  
綠珠甘作墮樓人風迴香屑疑魂返月落寒輝只夢親  
酷憶幽居簾額裏最嗤牆外學窺臣  
殘香狼籍罨秦樓一卷宗風在上頭此事竟休無可說  
好春纔半已難求孤眠待憶何堪憶殢酒牽愁也莫愁  
料得芳魂歸玉島凡夫奚術訪蓬洲  
天生姻好嫁林家幼小相莊歷歲華落晚倚風翻副墨  
凌晨消雪看煎茶誰憐百煉冰天質不及雙鬟露井花  
日暮歌梁最蕭瑟珊珊環珮是非耶  
暫到人間出世間亭亭姑射雪冰顏鐘鼓夢短魂難續



刀剪風尖締本慳悔不萬迴巡粉萼空教雙淚洒雲山  
盈虛見說循環理又恐花知誚我頑

秋日雜詩示仲嘉在衡

鍾山碧峩峩秦淮清且濶青谿歌舞空桃渡木葉脫賤  
子因人來淒風剪故葛言有素心人入門慰饑渴兩年  
離愁牽今夕沈憂豁索我近著作丹鉛間塗抹問我來  
何需空囊賴簡括酒酣拔劍舞涼月入我闥相將步長  
橋幽吟轉狂喝柳衰蟬淒淒荷敗魚潑潑此景未能忘  
此意未能遏

溷俗良不易高蹈非所任起足無地匿引吭難淵沉情  
話習所悅出門卽苔岑桑榆邀薄暄蓬麻敷平林嚶嚶

小鳥鳴感人一何深無情尙牽愛如何違賞音泉流異

清濁桐絲鬱嶇嶇南村訪我友

仲嘉移居嘉成堂巷名  
十八家村故城中得稱

村苦言稱心吟深譚酒細傾相視涕盈襟涼飈吐商氣

楓葉憐同心

冀野產汗血伯陽曰良駒食以香稻粒策與凡馬殊本

期千里足流光躡天衢如何時未來俛就萌隸驅文章

藻世資古重待賈沽貶筆趨靡音徒供鬼揶揄品格凌

松筠光華灼鳳梧國門懸千金按劍投明珠元氣鼓萬

物樂哉名實俱如何佩蘭客化爲逐臭夫

楚王償凡亡安陵胎其殃昔日繁華時天桃發輝光盼

睽膠漆交澤膩蘭杜香得魚盟書丹射蜺淚沾裳不惜



西水言金卷二  
金城傾何愛玉體戕千秋萬歲後與子不相忘何物一  
腐儒區區瀝肝腸欲止歌者田毋乃迂且狂抗聲解幕  
繫厥罪不可詳九死投瀟湘至今稱忠良上下巫山高  
雲起不忍望風舞國門懸千金鍊勝遊四郡衣康茂萬  
師多智彌精世晚質彌冶厲氣罪虛舟伎心怨飄瓦更  
苦無情人望塵附風雅何有車笠盟相逢爲君下真人  
棄蓬萊毋乃仙才假其詞食以香餅珠策與以酒粉本  
老龍狂言數郢鼻匠石質別緒抽竇機恨理伏江筆造  
物生吾輩詒世以口寔物情不可論光華發狂猶課虛  
急責有漆園未可必沿流忘討源昌平遭塗乙許生曠  
代才芙蕖艷初日緣情加綺靡渺慮助蕭瑟宋玉續屈

騷商隱摹杜律但非濠梁游誰使卮言出

孫月潭夏用修見寄四詩依韻奉答

壇築槐江卅載圯斯人宛在綠葭湄敢云拔幟摩殘壘  
猶是偏師請昔期捫虱雄譚珠散咳聞雞狂舞劍生眉  
何堪杖杜增惆悵忽下雲端錦段詩

魯邾鈴柝夜相親况是斯文氣味真風雨披離情自合  
雲山洗刷境彌新自慚閉戶陳無已最喜聯吟蔡有隣  
自此招尋應不厭客都忘主主忘賓

吾道前賢賴後賢驚心梓澤散雲煙願言鷗夢尋今日  
未覺鷄盟負往年上巳風光花裏路重陽天氣葦間船  
相思興到吾從爾把酒高歌第一泉



鼠鬚蕉葉久塵封敢惜巴吟懨過從壁壘攝官前白馬  
文章巨手探驪龍銀河倒瀉愁千斛雲樹微茫路幾重  
只有馨香堪寄遠行行木末采芙蓉

西郊訪菊次節孫韻二首

策策河流短短籬幾家叢菊最矜奇一年一見交已故  
此日此時來較遲良會不殊萸紫日好花猶及蠓黃時  
便須典却絺兮綌弗負陶公漉酒期

憑他黠鬼笑人癡且共心知慰所期努力已非春艷日  
孤標應有晚香時千林紅葉千巡酒一朵黃花一首詩  
此外何須掛懷抱問津還問子爲誰

對雪二首次韻 選一

海上銀巖一夜成玉樓高矗更層城點梅晨額評風絮  
把卷宵吟賽月明枯樹息深生意淺博爐寒重縷烟輕  
道人骨節珊珊處恰應黃岡碎玉聲

寄荆嘿菴廣文三首

北望停北雲問我何所思我思江水外我友官於斯我  
友官儒官官冷薄俗嗤酒空飯不足學道以自怡濂溪  
愛種蓮堯夫愛吟詩二賢去已遠芳躅何可追我友愛  
古人獨往追躡之池種青白蓮岸種梧柳枝梧月照几  
席柳風吹鬢絲左手易通書右手訂頑詞客至忘寒暄  
並坐一水湄惜我無輕舟思君徒爾爲  
憶昔蓮開時四十七初度門生載酒過令子戒飲具飲



我累十觴涼颺起薄暮蕭蕭竹搖牕睽睽月白路當筵  
進小詞宛轉愜情悽約言三載後再聽狂歌誤首蓓非  
久羈霖雨行遠澍吾當製風詩爲君叶韶護倏焉屈良  
期此志竟違懼奮飛不能前毋乃鍛翎故駘蕩廣陵濤  
歎息虞塘渡蓄意空悠悠江雲莽迴互  
學成君所求道足民所望我愛惜陰人運甓以自強不  
苦去日多所愛來日長我友威公姿精悍不可當條理  
至木屑特達爲珪璋如何抱遺經坐臥幾千霜國家重  
教養民困尤可傷我友經濟才腹腴非外疆安得數百  
輩落落布八方上堂課絃誦下堂課耕桑致民於成周  
致君於虞唐元元頌神君兕觥稱公堂

送楊子益之長安

聞君指日向長安驛舍梅開尙薄寒一入洛陽花信緊  
再經豐邑酒杯寬知交客路行何遠貧賤家山別不難  
此去故人琴韻好滿城花錦送新歡

徑入琴堂坐講堂鳳毛犀角有輝光撥簾看雪玉千尺

太白武功積雪不消閉戶溫經醴一觴鄠杜雉嬌鋪艾帳液池鴛

煖泛沙棠懷人憶事如垂問爲報窮愁鬢早霜

三千許薇衡移居

綠陰輕送一聲鶯公度移居傍古城簷宇放寬貪貯月  
草花忙補要娛情人行垣外尋常見兒讀更深仔細聽  
何日得閒能就爾吟箋茶椀共平生



寄懷陶艾圃先生

自送春江帆相思到秋雨繁香生渚蓮金飈颯庭樹昨夜夢見公挾策上樓住妙語析微茫初月弦半吐醒隔三千程撫枕盈觸忤念公爲民起安敢訴離苦皇天生斯人責以任寰宇况于公所存闊達追稷禹恨非百里才而與噲等伍一命必有濟累以此無無必琴言絃歌夫豈獨千古設施本官禮鼓盪出韶舞晉城視如傷雲巖急循拊風流宜在茲卓魯安足數矧彼滿縣花但覺兒女嫵鈴閣有餘清講習豁傳詒謝玉倚王郎吟和滿瑤圃逍遙如家園真足娛仰頰賤子鳴短章幽咽毫欲腐下以勸加餐上以勞靡監風雨春樹樓孤弱愴雲岵

曩昔噢咻之最稔繫心腑一言與提命金篦刮盲瞽塞鴈西北來矯首覩落羽

臘九日學人招同香草烟谷秋崖雪霽雅集和香草韻二首

黃葉翻堦動靜聞雪飛一尺覆籤芸褐衣破曉搖銀樹蠟屐衝寒累鐵君老友酒顏微橘纈詩人韻脚帶梅芬溪聲山翠宸章麗鳥語花香也不羣

袁安高枕拒門時老子投閒更莫之缸面拍開要薄醉版頭翻亂記新奇論詩水瀉元明事放學金鏹恨別詞

學人令子虎郎六七齡耳世上幾書能狠讀此生無欠立几側能背誦恨別二賦

樂難支



潘長卿古詩見懷依韻奉答

兩年苦相思昧昧靡朝夕九日上歸艤行吟湘潭客一  
望青州青再望白雲白塞鴈與過江征塵洒然釋京華  
日以遠親故日以卽雲渡水清淺一洗心與跡霜鬢疑  
易緇醉眼欲生碧書史足翻瀾險巇免攀陟借居仙人  
樓驀入維摩室尋香得黃梅嘗果剝皺栗我友靜者儔  
相對無太息悠悠何足言卽此有餘適

和草草亭詩五首

昨夢見仙人浩歌蓬壺裏秦峯森丰標銀漢寫胸次何  
不豁塵網脫身遂爾爾王孫稽阮流結束不如此草草  
百年身何竟又何始

相期種瑤草疇不慕遠志雲泥各飛沉霎眼失交臂高  
車有時傾孤雲了無繫微吟清夙醒幽花托晚契梧桐  
送新陰雙眸亦堪寄

城隅咫尺地勾出一空曠杳無車馬喧俗眼迷委巷涼  
雨靜輕埃一編自怡暢客至捐世情忘言廓理障興至  
成小詩差足見微尙

世事如癡龍長眠此立壁今得點睛人無雲亦飛出冥  
坐春潭潭清嘯秋瑟瑟天宇不爲寬容膝不爲窄壯哉  
培天風奚數六月息  
猶憶總角時曾共數晨夕願言敦古懽黽勉事經籍相  
思卽出門術路夢亦識愛子無琴絃爲我一撫席尙餘



十笏地可許謀托跡

蘇詩九月十一日正去年覆舟時也口號二絕句

僥倖筐兒將名地水泥更生頭角又週期不然此老曾仙

蛻化鶴歸來也一奇

拖泥帶水到楊村名地剪紙招魂對夕飡今日一盃猶活

祭好呼豚子夜深論

和學人秋桂冬榮三絕句

霜寒碧瓦氣鱗鱗外天香別樣新色養也須花供養

為君呈媚母夫人

月中仙種世難求移向君家分外幽那比小山凡艷質

花時只占一番秋

料理駮鸞又一程吳剛快斧筆尖生豫愁來歲連根斫

故放今朝特地榮

送吳庭揚北上

皇天四時平清和最佳辰既非蕭瑟秋又脫漫誕春風

漾麥畦浪雨洗柳陌塵朱櫻來青陽紫芹生河濬鮒魚

如切玉蘆笋賽煮葦將採穀雨茶時釣笠澤鱗方與二

三子共樂情話親夫子獨何為四牡歌駢駢天上尺書

至迫趣謁選人出處時所為行止非由身讀書本拯世

稽古知愛民一命宰百里亦可施吾仁急以膚寸雲廓

茲膏澤屯栽花特斌媚安仁何足倫穎川鳴鳳皇周南

游祥麟庶幾弘遠謨坐致風俗淳故人老江南企脚菰



蘆濱他日徵斯言將向輔使陳  
洛陽花與江南宜植根得所尤矜奇江南三月萬花發  
此花高據中王之安平閥闕伯起賢花時許我青眸窺  
紫色早綻壓紅色東枝斜蠹傾西枝坐臥花下飮奇馥  
閒殺擔上徵高貲價高不問古所歎香好可親今此時  
金帶圍賞揚州守瑤臺月醉巫山妃風流頑艷世不絕  
冲融冶淡心自知迴颺吹馨轉幽咽坐看白日青空馳  
一年花事有幾日闌風伏雨彫縹緋失此爛熳答景光  
惜哉茵溷誰妍媸賢主諧笑須我友相見痛飲奚復疑  
好鳥嚶嚶花外囀清陰冉冉花間移歌喉舞袖太狼籍  
只此已足當妖姬君家奇字閣於此君家種荳歌安施  
及時爲樂取快意填補少壯聊慰私君歌我乍高興發  
一唱三歎悲心微悠悠名利直唾棄紛紛俗態從澆漓  
王風蔓草則可惜短衣坐嘯徒爾爲一杯酌花君莫忘  
健筆爲我亟起衰

歲暮雜感用虞山師韻效長慶放言體五首

斗杓旋指一週天籠鳥駒馳又餞年中德通明司啟閉  
異材輪囷躍方圓誰人吹動梅花遂無字孤懸栢子禪  
出世也嫌難了事莫叅龍象莫修仙

靈椿曾說八千秋萌甲摧殘地軸遊莫是脚翻山下路  
好將身嘯海西頭鵬舉自昔開全網鰲釣從他咲直鈎



生死窮通都一槩幾人掙眼看齊州  
手擘豚雛省阿漉車聲雷殷日斜何巢成鵲印三層樹  
水戲驪珠九曲河節度自衰行義士翹關終讓力田科  
江天圓月隨人到光照萱庭白髮多  
久矣春光非我春眉灣空見月灣新瓊樓積雪三千夜  
翠被孤舟一個身面以唾多兼隱淚酒緣愁到學沾唇  
褊心何事仇飄瓦此豈章惇足破嗔  
胥口飛蓬碣石弧此中儘着一狂夫閒翻爛史千秋鏡  
靜下重簾五岳圖香迸老梅長作供杯吹野水未須沽  
新粧炫服羣兒態塵外還來眼角無

花朝前一日學人載酒招同芋莊長卿若猷過

山蕪木三蘿家探梅卽席限韻二首

月魄冰魂玉手裁東君散作一庭梅祇容高士成詩史  
可許閒人送酒盃松竹清陰生積翠市朝塵事欲寒灰  
非關隔斷嚴城柝帶月巡檐定幾迴

盈盈一水繞山家竹圃蔬畦故故斜但看練裙思澆墨

况經春事有梅花巾車未返翻傳簡

初至主人他出

熟客如歸

自煮茶正愛夕陽無限好惱人懷抱滿林鴉

學人之行也向予索詩而意境荒率不得一語

適長卿成五言三首依韻和之如其數書罷惘

然依舊未嘗提得起一字也

言別三千里扶搖九萬程出門西向笑何處北京城山



色晴如抹江流咽未平石尤風信惡應解惜離羣

五日孤帆下自家至廣陵凡五日依然挾卷書幾時溫昔酒昨歲

侍閒居索笑春花底相思秋雨餘丈夫弧矢志不用濕

征裾

求友皆吾友多師是汝師分張尺璧價親切寸心知短

髮空搔首長身學簸旗帝鄉非歎所橫笛莫教吹

丙子秋九月外姑六十散步五十時原韻二首

一串牟尼向佛持下樓無事不親為搬柴運水頭頭道

老哭兒啼色色醫五夜禪燈分課讀三更涼月照機絲

水田挾纈深山裏善信辛勤雪窖知近日送衣天台華頂

山頽木壞懼難持萬事周詳隻手為本分藿鹽無欠缺

別家慈孝待治醫感近事孤鸞自照迴風舞獨鶴慵梳賽

雪絲歷盡艱危任勞怨心心不負夜臺知

秋日雜感六首 選四

塵界人人錯浮生故故忙要尋剛醒夢疑發急行裝霜

賽顛毛白花搖病眼黃未知來日事且莫負重陽

南北蒙頭走酸辛出口嘗有塗皆阮籍無地不羲皇夜

雨江船漲晨星竹簡光懷人傷宿草慵對晚花香

落日蓬門杖傷哉過望情虛涼還有涕慚痛欲無生前

舍瓜瓢熟西疇荳蕪清誓言今徙業巡圃試經營

獨醒宵難曉長愁日易曛上天猶識字下第莫論文饑

飽碧翁定行藏白社分尙餘江管禿興至欲書羣



鄉行

初日朦朧曉霧涼  
青山門外灞橋韁  
雞豚跡散鋤葵圃  
鳥雀聲喧晒稻場  
村舍狗蠅都蓓蕾  
墓門鴉相半紅黃  
傷心廿載松楸路  
容易人間七十霜  
是行也為稱季父  
七十觴因念伯父  
吾父俱不及享  
遐齡愴然有悵

贈錢大翼六首送其歸虞山

選四

空傳刮目待吳蒙  
薄命何須竿易通  
大翼以易數推  
人謬卜子後社墮  
地已知磨蠍守  
問天難御朔鴻風  
孤魂及第應瑤草  
垂老無家任轉蓬  
聞道黃門哀永逝  
十年憔悴此情同  
蟬翼千鈞夏鼎輕  
拍肩羣瞽議縱橫  
文身焉用資章甫  
楚璧何人與趙城  
携澄泥硯  
售者絕少長恐詩書遂墻壁  
直教奔

走到公卿京華致語空相誚  
短檠移牀覺有清

偶感京師故人

致語

青女寒欺絡石蘿  
新荔酒力近如何  
腹中藁脫憑誰寫

枕上詩成只自哦  
山閣憑欄塵事遠  
湖心擊榜月明多

追紀戊辰夏事

歸然大樹今韓杜  
甘作蚍蜉亦任他

此首懷虞山師

樓頭臘藥又衰衰  
兄弟顛連不復來  
蘇晉其人叅綉佛

謂臯聞兄弟

劉郎多分入天台

三往爨公不遇

可憐楊柳歌三疊  
容

易飄零酒一盃  
忽忽窮愁悵分手  
泥他陽律起寒灰

贈邵青門

生世錐處囊又如壁  
藏培早慧穎則脫時  
至肘壓紐先  
生東南秀抗志  
古人友出語凌北地  
高文薄南斗實至



賓則從識者信不朽海內奉盤錕得之埒瓊玖商丘今  
歐陽敬若宛陵叟堯峯亦文豪薦樽柳州柳鰕生伏蓬  
蒿憑軼亦已久一代有幾人百年見誰某先生獨歸然  
言立千古壽春酌雲溪堂追陪杖屨後花外停小車自  
言蹇趨走百里行過半願言自愛厚且輟口吟哦且袖  
作家手逍遙引大年瑤草遍芝畝屬我一康爵聽我一  
擊缶

西林詩鈔卷二終

西林詩鈔卷三

武進 陳鍊



芷園先生王嗣衍閱定

山陰孫

謙椒圃氏選

風雨中虞山往還凡六日紀事六首

十年愛說子游城腸斷孤蓬此一征空向丹山來攬鳳  
長懷碧海去騎鯨登盤小取楊家果入室頻呼韓子檠  
還料玉樓高絕處下拋吾黨怨難平  
每逢龍象見精神刼外靈光氣更新詩裡居然猶二老  
易占不速有三人  
時與楚維嗣會偕行煙消水白開天眼雨洗峯  
青露法身最是函關初失路雞鳴如晦愴斯神  
哭奠先師卒事

登二樂閣讀閣中先師遺詩三首因次韻呈眼上人



五年前托水萍交薜荔開門帶雨敲困鳥退風同六鷁  
潛鱗逆水玩初爻何時築室依巖住預訂羸糧借集抄  
至喜湖光山色裏葢頭茅把架書巢

風逆阻舟故有三  
四句約以來正至

閣中校訂先師  
全集故有六句

尚湖醞酒五經年追數前歡重惘然又以二公能好事

欲成三笑與延緣人間得喪藏鈎手物外逍遙刺葦船

風起白蘋消耳熱鐘聲遙憂暝煙邊

白憚二君拉放舟  
湖心飲酒因憶甲

辰夏同立素侍  
飲先師故事

連朝白也共相於萬頃茫然一葦如神女雨來迷翠黛

石尤風惡混樵漁嶺雲高椽同兒戲拂水懸珠亦子虛

摻手下山長嘯去低頭翻愧夕陽鋤

以風阻不行至劍  
門高處覓先師詩

文塔歎其規制不稱是日西  
南風亦不見所謂拂水者

風雨聲中墊角巾不煩清水滌塵纓生芻自是林間物

弔鶴何疑世外臣蹒爾輪囷羅漢相歸然歷落大夫身

可憐耆舊銷磨盡無復當年聽雨人

歸舟晚泊惠山摩  
娑古松樹下先師

與錫山唐顧諸君子結聽社十七子  
今先師下世盡之矣故書之以誌感

叔魚致書曰先生已踰祥棊宜稍近聲律以慰

羣望不然恐小子有何述之歎予愧悚不敢當

而重違其意擲管代柬答之并叙所以不能詩

之故凡三首

枯蟬槁蚓豈能鳴况歷哀摧夢亦忤盡淚那禁猶繼血  
予琴終恐不成聲窮途綿力休長駕孤子殘生恨短情



慙愧故人思拂拭大昭弛久欲辭繁  
少日顛狂在一鳴啾啾百鳥重怵怵久淹枳棘羞爲羽  
不共鸞鳳耻作聲青眼塵埃那可得白頭香粉亦何情  
捐書焚硯真吾事繞膝舍飴對食粢近又得一孫共六雛矣  
此生自斷莫飛鳴何苦譙脩觸網怵漆炭已無妻認面  
呻吟猶有友聞聲擔簦上國誠多事祝髮空山近不情  
要補風騷公等在霜顛霧眼怕燈檠

和牧公辛齋雅集見示之作

已公才思掩閭丘筇笠孤舟事事幽一棹蘋風吹落日

滿樓梧雨洗清秋移來九畹成香供辛齋漳蘭甚盛圖就千峯

當臥游公以萬峯行脚圖索詩擊鉢攬衣吟興發早知聲教重方

州

答牧公留別原韻

蓮池又起蓼花風拂拂烏絲別樣紅經鈔已燒空丈室  
詩瓢頻貯壓征蓬唵聯茅屋情何盡杯渡蘆溝興不窮  
只恐白雲留欲住西窗剪燭邈難同

秋蟲

唧唧復唧唧蒼茫問何聲如依寡婦織欲促羈人征斜  
月弔蘿壁涼風欺荳棚此時誰遣得吾亦悄然清

秋水

萬木雲連雨百川水灌河依然乘月舫倏爾沒煙莎指  
點伊人處相思遲暮多欲歸猶徙倚波外起漁歌



秋樹

團團一圓蓋春至發新青忽見蘸霜葉疑聞御風翎次  
寥生朔氣蕭槭滿空庭搖落亦何怨童然對酒星

秋茶

何處秋風客提携一籠著經收第五投水泛當中味  
較春光薄香添曉露融林間燒落葉配爾爨餘桐

秋衾

小雨輕稠至便便坦腹辰未容姜大被先遣竹夫人宛  
轉隨身便溫柔與夢親巫雲非意及莊蝶亦何因

秋琴

黃葉從風轉泠泠欲動絃龍吟寒水下鴈落折蘆前古

淡蕩吟魄寬平容坐禪莫非姚代手出塚要人傳

秋海棠

可航分賦

斷腸思婦竊春工牆角苔陰委一叢不會沾唇偏薄醉  
何曾烘日也嫣紅涼燈笑倚調雲母淡月魂歸驗守宮  
零落雨中休歎惜莊姜締綌御淒風

送楊古度之燕省覲次芋莊韻

君家銅柱繞三市文采葳蕤紛馭選小春花下竹林杯  
長檠月斜孺子榻正覺高歌動寥廓寧知樂事生離合  
芥看青紫鬪身強戰親楚漢舉旗捷金鵬擊水快三千  
鉄鶴巷承權不旬卅並馬聯鑣大小阮鹿田感時懷古  
斷續答酒帘小歇剪繁帚荒途打尖熟羊腓路入萊州



萊彩分鹿田中道先觀懸知紀事險韵押冀野應空龍

馬來燕雲寔怕茶火壓陰符馴養紀消鷄長筵好放金

籠鴿令弟粗知出火攻時文古義都淵洽謂農玉堂傑

直憇高閒珠林風氣開昏霎天上臚傳龍袞烟塔下瑤

環鳳凰蠟况是多賢霸南服謂令兄茂老及深山忍嘯

黔驢狎褐夫老醜誠足嗤棲遲松菊甘卑狹驪歌載道

客吸鯨小戶也須容一呷

歲暮雜感次韻四首

也識青山有白駒錯思千里愧駘駑何曾冬日溫蓬蓽  
早使秋霜落鬢鬚萬國昇平規外遠一身康濟道中腴  
歲華道盡渾忘却欲累愚溪谷亦愚

絕少營求乞老天在家和子到家禪心空莫管閒田桂

識淨能開火地蓮醉去拋書聊晏爾興來提筆更翛然

寒香又向樓頭綻覓句巡簷一折旋

歲寒三友露槎枒每到春光屬望賒花下南陔晨膳潔

香中淨土夕陽斜只今白社風猶昔其奈黃墟事已差

俯仰懷人倍惆悵未聞隣笛起長嗟

偏讓游行撒手先涼涼獨坐憶君賢牛眠叶吉剛前月

前月二十日鴈隻啼寒整十年世事漸磷磨劍石人

情日下潰防川半生托契惟師友文字詩篇別樣緣近

虞山師手報

上元後一日同行九翺念高臯其樞學人集遂



初堂卽事限韻二首

執戟家風識字身，招邀歲酒共尋春。  
垂簾聽雨催花放，看客敲棋布陣新。  
還想撫琴游海嶽，何心相馬問臯甄。  
豈知利火名湯外，別有成羣作達人。  
庾公塵不到梅筠，况是高齋切杳旻。  
海外蟲魚歸簡冊，夢中宮闕見金銀。  
春愁黯黯樽前釋，梅蘂差差燭下親。  
敢說友朋膠漆似，信知今古重雷陳。

春雨同長卿學人作

九十春光半廉纖，雨脚綿建寅。  
三日醒度卯，萬絲懸斷送花千。  
樹平鋪草一筵潑，油來蘚徑引海到桑田。  
濕鴈飛仍急，寒溪響更圓。  
鶯雛啼帶淚，鳩婦喚還咽。  
書幌燈

花暗粧臺蕙葉妍，落梅惟是泣舞柳。  
欲長眠，山鬼邀相語，林神悄。  
自憐白歸虛牝處，青入燒痕邊。  
湖水漻漻碧，巫山黯黯薦。  
峰頭留宋玉，道上滯張顛。  
浪起愁淹麥，波蒸快打鮮。  
河豚初上箔，江蕪正掀船。  
鴛瓦饑烏站，芸編腐蠹蹠。  
炭冰違火性，薪桂失炊烟。  
顧兔疑藏却，陽烏似舍旃。  
地行蟣蝨細，欲上玉皇箋。

燕水曹三蘿製小舟，名之曰撥雲。  
村南舍北泛月看，水不熱花甚便適也。  
自爲詩二章屬和。

青山門外客，綠波村裏舟。  
槳撥五里霧，篙破一頃秋。  
欹頭因載鶴，掉尾趁驚鷗。  
夫子欲何適，飄飄疑十洲。  
牽岸不成屋，下溪如小龕。  
檣烏聲肅肅，泥燕語喃喃。  
訪



桂蒹葭水喫菱蘆墅庵更憐幽興極汀晚漱餘酣

答延令季端木次來韻

攬袂猶憶大河干仰面青天共佛看子去延令端木流

水不堪和淚散窮途翻覺與心安塞鴻身世飄零易社

燕光陰把翫難從此渡頭分手去十年雲樹黯漫漫

相思相望各江干料得停雲儘意看一自白駒悲過隙

更稀青鳥報平安車夫高四亡而三千積水搏風易五

十無車絮酒難高堂兩尊大人之變賴自寸心千古在

夢中猶識路漫漫缺然耿耿借禮自寬

三疊韻寄希聖

科名文字豈相干錯把鴛針繡譜看肯信鶴脰平非可

截莫將蛇足更求安青溪聞笛邀人易客秋遇於舊京白浪攤

錢喚渡難寄語始衰應自愛羅浮風雨任迷漫

贈在衡

少日才華比艷陽蹉跎憔悴髮蒼蒼蒲編兩笥詩千首

竹篋三条菜一筐半醉獨吟狂不歇避人逢佛佞何妨

年來辛苦誰知爾風透湘簾月覘牀

自咲叠前韻

每思童穉戲青陽忘却吾身忽老蒼要辦雪梨將遠道

老母患痰疾未曾風栗歎虛筐性愛風栗窳直腸不覺

人情忤病齒恒憂服食妨何肉周妻已雙遣蕭然襍被

偃禪牀



西郊歸三疊前韻

黃花黃葉滿斜陽烟井參差暮色蒼釣起白魚將貫柳  
摘完殘芰不盈筐長亭對客聯吟穩短柝催人久坐妨  
大笑入門饒野性慢傾瓶酒上繩牀

送管青村之官新昌卽用其留別和東坡先生

送江公著知吉州韻介亭餞楊次公韻二首

湘簾一幅紋如水初秋風物斜川美門外傳呼似故人  
投詩索和東坡子香氣人知懷縣花飛鳧我識神仙履  
先德潯江碑在口初政餘水清盈耳前年除書得夜郎  
霜虐風饕六千里於今濯湖訪梅福父老熟識楚然喜  
東軒芝亭洗墨池某人某蹟堪臚指亂山深處長官清

蘇自寫照君亦爾

憶昔燕臺雪罨門與君墜戶同窮村詩篇夜和吟到卯  
經史瀾翻探其源小樓風疎水晶簾三更月上頗黎盆  
酒人從此不相關歸來抱影秋樹根我慵三舍甘退避  
君才八斗誰能昆文章政事正飈發扁舟浩蕩西南坤  
中和樂職二三子泉源日出千百言三年治平奏第一  
看君應召騰華軒

送碩齋之官惠安次鳧令韻

君祖東林冠高顧僉壬不利滋譏讒尊人矯矯我父執  
出入辟咥恒恭誠慚愧金昆兄事我如柳魚貫周徧咸  
校藝論文細逾髮遇事厲角氣奪麋君尤長厚夙愛敬



循牆負劔終日僂補衣納履犯冰雪悲辛殘冷禁饜饒  
數踏省闈擲席帽驀入內府仍青衫柴門妻子付渺渺  
羽林子弟欽巖巖六年得官宰百里簡書一尺綬一函  
卽看霖雨出襟袖至喜帖括歸幽緘南去小岞東洛陽  
萬水環帶千山岳香草紛披惑荃蕙黛章蒙密疑松杉  
小嫌牒訴來倥偬侏儻滿耳如燕喃循吏佳傳儒者合  
先人行義令子監臯比說經析義利繡衣建議祛鄙凡  
引領繼起大家學如車兩輪風飽帆故園老友不煩念  
黃精托命餘長鏡看君努力樹宏遠及時捷足高頭銜

東坡先生以宋建中靖國元年辛巳七月二十八日卒於常州白雲溪上孫氏寓館到今康熙

辛巳六百年矣今歲方庶常共樞延予主西塾  
坐臥處卽孫氏館地低徊吟歎不釋於懷爰以  
是日招同學諸子及門人輩凡十九人肇祀先  
生拈眉山二字記事二首

端明此地上騎箕萬歲千秋宋玉悲七澤已空猶吊古  
兩楹長在忍忘斯晚傷同叔違風雨早向君王乞蓋帷  
只望稍輕僭海瘴托身原不定峨眉

崎嶇萬里息間闕客夢清酣卽故山網得銀鱗開咲口  
盛來玉盃破愁顏花前剪紙秋光滿池上敲詩夕照閒  
願約年年爲此會蘭旌只送白雲灣

戲題叔魚追悼香海棠歌後



海棠睡去卅餘年，勿勿香魂上蜀箋。不是顛生招不得。

怪來張米愛呼顛。

叔魚自署海棠顛

古塘橋眷見紅蘚。

花時橋上皆見

追溯蘇公六百年，人與好花

同一夢未須全放十分顛。

### 哭叔魚二首

江都聲譽久麟麟，有子寧馨步後塵。識字先師嘆辛苦。

虞山先師愛其善學

稱詩開府賞清新。

謂宋漫堂中丞

誰知窮苦還多病。

竟坐清狂遽殞身，一死人生均不免。只悲君死後無人

少日登壇振羽翰，翠茗詩舍拂輕紈。經年私語題當補。

永夜長呼字未安，少婦豫愁戕性命。慈幃真痛嘔心肝。

信知免灑朱藤淚，竟共牽牛控玉鸞。

牽牛其兄漢求小字，葬茶山路有朱

藤二株，叔魚詩從今免灑茶山淚，兩樹朱藤吾故鄉。

### 哭仲弟鑄五百字

四月十七日下樓，一徙倚吾鄉無垢師。因風颯然至為

言，仲弟病聞之已心悸。嗟弟夙勞苦，不堪病為祟。窮鄉

無名醫服藥尤危，事急遣一力歸為言。勿輕試，越日至

二十，耿蘭報飛騎入耳。霹靂摧捫胸，刃割踊地地欲

傾。號天天若醉人，皆有手足胡我獨。速毀人皆有兄弟

安樂，或早躓吾弟至貧苦。衣食不克致，膝下有三男長

者粗識字，蒙求糊其口。仲季方幼穉，煢煢一老妻。易米

常截髮長貧復短年，五十猶缺二天生。汝何為百料不

一遂空懷濟時略，徒抱出羣志。嗚呼遽至斯，茫昧真可



異急呼兩兒來父子其涕泗此亦兒女仁迫切在置榼  
亭午趨長年爲我滿颿使心急行轉稽昏黃猶屢企狂  
颿拉檣檝暗樹疑鬼魅艤舟登黑岸父子如曳跛入門  
聞叫號踊擗若奔駟上助慈母哀涕淚泉湧地旁人相  
慰唁真乃秦越視念吾與仲弟少小相煦戲旣長各饑  
驅相見亦不易更愧爲汝兄不克爲汝庇步月懷萬端  
望雲恒一喟方謂齒漸暮婚嫁將了備同懷只三人庶  
幾老而嬉今冬汝長子娶婦有成議吾當一助汝不致  
傷重累天胡遽降割乃爲汝製襖子弱室又空何以卹  
顛頽地雖竟雙無妻子命將墜急難相呼號猶幸有一  
季季也雖才能口手已盡瘁慘絕八旬母哀哀哭不置

撫棺曉夜慟隣媪爲酸鼻緣是與季謀權厝父塋隧缺  
月正射戶送汝輻車離親戚悲不勝閭里亦歔歎智勇  
戢一棺自此其永棄嗚呼復何云青草漬紅淚吾生豈  
無涯長汝翻此寄世累叢一身羨汝得長寐

哭虞山夫子十章

龍蛇運厄哲人萎雨怨雲愁哭寢時八百歲華空想望  
夫子與彭祖同壬子癸亥三千弟子共傷悲茫茫白水流雙淚黯黯  
蒼梧結九疑偏是神交真可接音容無恙欲披帷  
提命恩勤罔極同百年師弟一哀中長承諄復深更退  
別費鉗錘小札通春樹樓頭時結襪葛仙橋畔每扶筇  
只今蹤跡經行處淚灑榴花片片紅



彈指經過廿四年別來消息未茫然盈盈秋水魚兒過  
艷艷春林鳳子穿家事因苒頻致語奇文忻賞定郵傳  
可堪隣遂梅花落愁坐江城五月天  
閒經東圃柳絲存董氏東圃向年會講處也望眼模糊淚已吞地下  
有人敷几席傷体先起男直方漢求寰中無路省涼溫  
侯芭粗識楊家字宋玉難招屈子魂九辨九章紛旖旎  
誰從海外攬乾坤

也知有質定銷亡夜壑亾舟劇愴傷饗帝雉羹方婉變  
會真鸞駕太匆忙虛空杖屨凌黃竹敏捷詩篇覽大荒  
淒絕吾徒隔山嶽暗風愁雨雨茫茫  
夜半傳衣何足云微言絕學少知聞虛堂立雪燈花地

小閣桀枯竹葉醺文肆柳州商種樹字摹山谷泥書裙  
尋思都是前塵影泣罷淒然睇遠雲

帝所旁求識字仙等身經史墮塵烟倒頭猶拭眉紋石  
過口還占角鎮篇夢裏枯藤穿古樹枕邊清淚滴微泉  
見再友朋文字牽連處嘆惜何人作鄭箋

誰云只鑄一顏回三兩爲羣破碧苔短許小謀僧舍哭  
髯蘇猶痛劫池灰溪尖岐路楊朱泣橋口浮雲李白哀  
還憶講堂文字飲幾多裙屐夜深杯

翻笑鯤鵬是鸞鳩賢良從昔鬼揶揄詩文小技猶多怪  
人品高山合衆咻自此叅天無大樹爭教滿地不蚍蜉  
寄言吾黨無隨俗天外回頭一縱眸



江天遽隕少微星况遇狂飈折鶴鴒近喪仲弟欲筮巫陽子

魂魄分去聲拋徐甲賸伶仃寒光冪歷侵書幌細雨霏微

濕草庭稠疊楚歌腸易斷誰教騷客肯來聽

戊寅十二月二十一日為中丞荆山先生之配

徐母潘太夫人六十設悅之辰里中戚友及四

方君子稱壽至者波委雲屬予適歸自江上自

顧一無可將謹撰往體詩一百韻為獻用以頌

說懿行揚厲芳徽蓋予以往年中丞先生之招

為其幼子永宣授經者凡六年知太夫人者最

稔非他之逃聽風聲者比一切景福鴻庥之辭

刪雉不具坤載孝廉學人上舍其為我洛誦于

太夫人之前少助舉觴之慶矣乎并示長卿共

樞見通家故人之情如是其質寔而不敢泛也

滎陽鬱儒宗常棣萼韓韓長公挺璠璣次公耀簠簋謂大

生長吉兩先生兄弟齊青雲衆山悉剝施次公艱於嗣潛德鍾

女士婺星翩然下三品叶前軌太夫人初生時星家者言其與家開府公相埒

不用歎無兒木蘭勝男子坐膝認之無纖指出藻火叶

咏絮奚足方簪花特餘技四德本天成芳徽播桑梓無

言蘭芬揚不翼鸞音起南州鳳鳴岡千仞噉天咫其時

方單棲合之信兩美以下叙母孝養翁姑之事入厨便洗手羹湯佐

炊米低頭語小姑翁嫜性何似上堂問起居希鞞潔修

隨事姑不十年事翁越三紀太翁暮景佳夫子宦京邸



天眷方渥優作忠未遑已有婦代子職晨昏侍食皮中  
帚亦經心餽餘必親視堂上偶不怡牀前輒長跪先意  
効承順百方致之喜夢蛇復夢熊撫之若毛裏至今畢  
婚嫁勤勞為脫珥以下叙母事夫子持門戶之事言溯結褵時夫子登  
臚仕債從塞其門臧獲盈其室叶上下百千指均平無  
一負叶催租與課織左宜而右有叶機務應倉猝一一  
中肯綮王事日鞅掌母時北堂守叶轉輸煩蕭何三致  
陋范蠡未冬緘衣裳先春送齊醜南北路三千呼吸如  
諾唯用紆內顧憂孤班秉端揆既而星奔歸國郵不停  
晷忠孝殞厥生母誓以身委長君行服官少子未嘉止  
讀書望成名痛此未了事善後良獨難殺身特唾涕誰

云賢夫人必以殉為躋但看烏府後鬱鬱氣燦燿光華  
視昔倍信母功則偉以下叙母教育子女之事育子尤閔斯慈與嚴  
相濟恩勤悉自乳整肅異犢舐十年就外傳熊連雜糝  
餌經師兼人師束脩羊在俎不為織屑謀事體必加等  
叶以是兩郎君聲名在朋友叶雖為六月息雲布盼霖  
雨叶品望瑩珪璋詩文出宮徵佳兒人所羨愛女亦視  
此儀刑曹大家敬勤文伯母叶奉誠遠從人大國羸與  
芋所至著賢聲蔚矣彤管煒以下叙母懿行及孝友之事其他懿行  
百更僕難議擬豁達絕猜忌操縱片言以不為作繭蠶  
只如建瓴水鬚眉慚囁嚅巾幗恥竄砦母抱剛直腸誓  
不效瑣猥拯人艱難際出口又出手叶人以歲相望如



餒得白芑飯僧塲金容儒者所不齒母復不惜費隨俗  
聊爾爾多則蠲千緡少亦拔耀首叶至於戚與族伏臘  
塵生綺赤脚並長鬚奔命不得怠黽勉有何亡匍匐救  
急殆古人之所云此不啻倍蓰若其念所生慘怛呼天  
只猶爲情之常未足垂典禮乃以女爲男存沒事皆倚  
旣以盡厥孝又以盡厥悌提携兄之子室家于焉在不  
市毫髮恩吾以篤先祀凡此德之大所宜識鼎鼐以下  
今日今年月在丑母壽六袞叶頌德有塗人何況忝  
之壽密邇行見淵雲輩賦詩工旖旎當代歐曾派鴻篇照戟  
榮富者錦繡段絡繹爛筐筐佐以二泉釀大遠黍地醅  
顧我獨何爲踟蹰亦納履往體一千字自謂祛倍鄙或

非無徵言藉以揚杜芷終始孔李家四世於茲矣母以  
先君思老母荷甘旨又念他山勤兒女恩不解叶今日  
率諸雛再拜前榮趾芟薶膚縛詞紀寔告女史上以銘  
母德下以卜後祉仁者必上壽甲子半百里坤厚載萬  
物百昌定疑疑一事最欽母目擊非意揣布裳三十年  
蔬食不盈七宵諷內則篇晨入華嚴海叶貴而益勤劬  
盛而戒華靡刻苦人不堪通德傳母儀叶祝母壽無疆  
永以型媛女叶待母百齡時百韵再層累子亦九十餘  
煩母猶設醴

西林詩鈔卷三終



西林詩鈔卷三  
和東坡歲事詩三首

未以塵世文  
世世百備  
得得得得  
得得得得

益而無益  
益而無益  
益而無益  
益而無益

或食不益  
或食不益  
或食不益  
或食不益

或百昌安  
或百昌安  
或百昌安  
或百昌安

或百昌安  
或百昌安  
或百昌安  
或百昌安

或百昌安  
或百昌安  
或百昌安  
或百昌安

或百昌安  
或百昌安  
或百昌安  
或百昌安

或百昌安  
或百昌安  
或百昌安  
或百昌安

西林詩鈔卷四

武進 陳鍊



芷園先生王嗣衍閱定 山陰孫 謙椒圃氏選

和東坡歲事詩三首

改歲百物須  
子立乏人  
佐誰歟  
好事者  
不惜鼠  
餘貨  
但

視情有無  
寧論禮  
小大肉  
攪撐  
藜腸粟  
起壓雪  
臥酒漉

徵君巾錢  
贖青氈  
座得此  
閉蝸舍  
免走團  
驢磨  
山行籬

落前江行  
灑瀨過  
且作飲  
酒詩  
乞食不用和

閒居坐花  
下日行  
覺遲遲  
細驗陰  
密移一  
去不可  
追如

別歲

閒居坐花下日行覺遲遲細驗陰密移一去不可追如



水向東行傾倒大海涯日夕滾二流寧有西歸時今夕  
復何夕白酒黃雞肥行年過半百撫髀能不悲赤烏爾  
何為揮手與爾辭明年明日來整頓衰翁衰

守歲

鄰人倩塗帖放筆走龍蛇八法素未諳闕敗誰週遮此  
如年齒邁衰白將如何壓歲人競錢兒女紛謹譁幼者  
吹蘆笙長者急鼓撾屠蘇最後人中屢傷歆斜非關守  
庚申行止安蹉跎薰然耳目開新作差堪誇

送莊孝廉蓀服北上同學人次芋莊韻四首

鴈刷江南又一秋十年為客半年留渥洼應共驂驪驟  
蝸鸞何知九萬遊地到蓬瀛方是水客非李郭更無舟

自憐命薄甘轅下矯首斯人果勝流

人間何苦愛將離分手應難會合期春興落花霑別酒

秋聲殘夢說相思慈恩塔上今千佛尚父湖邊彼一時

為報九迴腸斷處白雲溪水照愁眉

慈恩千佛謂亮功尚父湖謂虞山師

師馬鬣未封遺集塵積非所皆後死者之責此章并報亮工

君家大阮稱幽尋菊圃菱塘櫂柳林一自春風傷病酒

遂教秋雨失聯吟

令叔雲襄患耳疾予亦苦病足不相過從者久銀鈞報切繞

朝策

鳧令前此北行玉樹埋深叔夜琴

傷叔魚中歲別離懷抱惡

幾番清淚濕苔岑

忽見紅雲向紫宸此間須着閩仙身五經已賞無雙士  
三策還期第一人城築受降軍益壯珠能照乘國非貧



錦旋酌酒娛班綵戶小無忘緩緩巡

八月十五夜月和學人乘萬用高青丘韻

帝青天色青出藍秋山萬點潑晚嵐月姊嫫媿浴東海  
巨靈不敢出手探桂樹婆娑五百丈樛枝濃葉垂鬢髮  
鐵網珊瑚赤光射水晶宮殿金波涵望舒首塗轡方騁  
太陰初政誰敢叅騰上金盤流影駛追逐日御兼程貪  
一年麗景此一夕金銀世界全鑲嵌盧仝韓愈兩賤臣  
遭逢不幸辭喃喃流傳月蝕詩兩紙至今束閣飽以蟬  
我今快意玩月華如坐補處彌勒龕華嚴會上啐經別  
心旌猶繫摩訶菴歸來空庭橫荇藻是處栢竹疑杉楠  
大家小戶聲浩浩老翁穉子情潭潭江郎筆花爛硯北

謝家月賦舖街南應時芋栗列陣鵲賞節餅餌食菜蠶  
老饕亦復恣一飽對此明鏡知懷慚月華燦破萬古心  
心膽清徹性所耽小嫌知我各分散不得並坐叅高談  
蘆墅鮮菱石湖芡味敵丹荔凌黃柑連浮大白遣良夜  
顧影呼月朋成三月乎月乎吾語汝棄置勿道吐復舍  
踞梯上天夙有願呼鸞控鶴期同驂豈知墮落塗炭底  
足繭面皺何復堪觀河見性初不減飲水冷煖徒自諳  
劇傷國士恩未報虛戴齒髮羞稱男  
辛酉南關爲竹垞先生所收矣而僂  
失之然先生之德  
衾影寔戴之耳食齋如茶心獨苦逢人強笑顏相甘  
青春霜雪吹儂劍終日坎壈懷長戡嗚呼月妃普天照  
每苦恩德偏私覃今夕何夕沐玉濤努力一飲生沉酣



低頭薄帷未忍睡垂耳銀髮何珍珍

題秋林笠屐圖

夫豈林中人偏識山下路半醉凌明霞雙屐亂珠霧遮  
莫詩思來快如鳥脫筴回首睎天末烟雲莽蒼互巖端  
散落葉江際辨遠樹卯醒霜風吹獨往君始悟

無題

新月如鈎弔古梅西風何處遞輕雷蜻蜒宿壁擎堦蘚  
蝙蝠穿梁落屋煤有淚怕彈將炮燭無言頻閣欲殘杯  
夜闌更苦撩人處白鴈驚棲結響哀

九日和鳧令用有學集中韻四首

金風動地苦喧虺霧眼模糊倦不開宋楮欲隨衰髻捲

魯戈難挽壯心迴未膺酒國封侯賞要築文逋避債臺  
何處叫雲聲緊切夢回燈炮陡生哀

江鄉田薄久拋荒蕪絕瓜臙禿絕桑望遠有懷行北郭  
躬耕無力負南陽應憐燭武心精竭猶咲張儀舌本強

事事輸人甘忍退鏡中贏得雪加霜  
局促何曾展一籌徒聞海上有神洲登高驟呈三千里

癸酉秋與農先輩登高  
黑龍潭以驟呈幾傷足索咲杯空二十秋

與鳧令間數  
索咲軒仝人聚集事已種麥老鴉啼谷口依人蟋蟀到牀頭可憐永

夜淒淒語不管無衣獨客愁

子春憂色怯升高梅閣崢嶸讓獨勞

菊有人誰送酒賣餉無客不題糕已傷夢刃亡蕉鹿更



感兒童駕海鰲月地寬閒資咲拓任教三徑掩蓬蒿  
次韻答鳧令東示蘇集無題韻一首

短至節以前一日促一綫半百歲以後一日激一箭波  
斯觀恒河刹那有遷變自分何所求無事博窮健人生  
墮地時早定貴與賤未帶封侯骨不長用字面但願老  
弟兄日日長相見短章索微咲行樂及時勸  
次韻鳧令首冬雨牕卽事八首末章贈鳧令時  
浪味將北行卽以爲餞

吹窗細雨濕苔痕落葉蕭蕭亂打門長幅烏絲來白下  
短檠燈火坐黃昏迎風戍鼓疑窮塞擇木寒鴉入遠村  
賴是兩生差破寂課餘欸欸夜深論

北來驛遞羽書催鸞輅巡河動地雷別有恩綸傳浩  
蕩爲弘雅化重招來英才振策騎生馬老醜何心撥死  
灰極目脰騰千萬里濕雲寒臆恐難開

賣藥猶嫌婦孺知鴟夷名姓泛湖時兒啼未得甘飴止  
脚氣難將薄醴治山住昔游應恨淺跡從今削已憎遲  
烟雲自有寬閒地兩膝隨身莫後期  
豈以工詩果坐窮棲遲泌水舊家風衡門反鎖雖多事  
小閣抽梯信有功世路榮枯殊虎鼠人間得失亦雞蟲  
百年歲月敲巖火陣陣狂飈逐斷蓬  
三歲賢關隔日店空教血淚滿膺霜也會琴碎心俱迸  
直擬書燒口亦箝兩汎泛山操桂檝九龍調水置筠籤



嬉遨與世無爭處采采昌陽欲滿筐  
小鳥啾啾夢欲闌靈臺酒洒失悲歡  
塵匣羞彈貢禹冠何處箋天趨捷徑  
要憑狗監吹噓去會否因緣得好官  
長夜寒燈趣短歌哀絲撩亂曲繁多  
自古英奇命坎軻晨榻兩趺頻按捺  
餘年了得羲文義萬事蹉跎一任他

顏書杜律挾遨游世事量來遜百籌  
衰遲憐我失巢鳩粗諳趨勢苟侵局  
自此買山須早計莫忘湖雨潤先疇

雲尖詞八章爲長卿六十壽

選四

江城表裏苦無山勝絕雲尖水一灣  
出門隨手掩柴關  
扳魚射鴨有羣兒水榭蕭閒返照時  
應知此老要吟詩

何心京兆遠山描差免空房鎖寂寥  
枝枝都是小蠻腰

波搖淺碧雙棲鳥樹帶輕黃一抹鴉  
清於鹿蹟院邊花

長卿同游碧鷄鹿蹟金沙于氏園名

壬午改歲家居大兒

潤

自烏衣橋移歸與次兒

同居父子兄弟不相團聚斗室者十二年所  
矣又念先妻棄我去倏忽十有六年死生聚散



悲喜交集戲和東坡立春日小集詩韻示兩兒  
兼簡禮南

坡翁三不如稽生七不堪方鑿入圓柄夫豈容易譚身  
賤積腐薪面凍失紅酣瑟縮戀豆馬束縛作繭蠶兒女  
紛出走歲時恒懷慙今夕復何夕衆魚戢潭潭前睡爛  
熯雛後叢歌呼參老懷祛孤单喧雜且復貪憶昔泣牛  
衣禦寒負暄南舉案趣進杯停機與傳柑電激五千日  
頭白此臥菴檳榔堆金杵行候滄桑三

梅坪詩鏤竟焚一冊於叔魚殯宮先以三截句  
泣然而泣之

茫然分手隔千春寒月光生弔影新今日爲君雕此帖

開緘如見冷元人

夜臺寂寞漫經春麗句清詞得得新只是陳生猶未到  
未知過口與何人

牧之刻意賦傷春秋露如珠淚點新月白風清怨遙夜  
可能來作夢中人

二月三日簡徐雲襄

鏡光瀲灩雪欲盈毵毵銀髮莖莖清東隣剪韭早相待  
梅花樹下春禽聲曲池波綠短章新北邨東青愁殺人  
團團小鳳煮甜雪馥馥玉藥放上春病足畏路如畏虎  
掩關久不歷城府故書魚魯澁眼挨晚牕鴈字支頤數  
今朝自嘆還自咲口腹未忍徇年少歡場飛動聊借娛



垂老飄零豈素料頃知君過致參商同調晨星劇可傷  
發興會須敲月戶題詩先許到雲堂

洗硯池東畔小樹一株朱藥白花娟妍可愛家  
人目爲棠梨吾友鳧今日此蜀種海棠也詳羣  
芳譜予酌之以酒而系以詩

偃蹇拳石邊久畜爲散木侑有半死枝頭亦欲折軸茫  
然不知名或以棠梨目春深淑氣滋風吹與滲漉朱朱

與白白叅錯露妍郁西南分行藏藥朱花白花葉爭旣俶先

後粉蝶欲斷魂蜜蜂恣拆副吾友訂芳譜云是蜀種穀  
如何卓薛姿乃等泥塗辱酌酒前致辭君其聽嘉告佳  
人稱絕代翠袖倚空谷豈以世眼昏含淒兩眉蹙向有

香海棠封植出玉局壽餘五百年劫灰付回祿至今增

慷慨吊古訴冤毒今君其繼起可以踵芳躅安知非蘇

公遺種遣鴻鵠坡詩生子啣來定鴻鵠流傳稱詩資光艷讀書屋

三月三日風雨作戲用少陵麗人行韻簡鳧令

三月三日雲雷屯陰霾慘淒愁殺人摧傷海棠殞太真

公子離憂碧色勻帖揭定武臨暮春書借荊州趣石麟

頃向學人借書未到蛇足何曾畫香醪一盞難入唇燕巢猶未定

移居未果飛花萬點長罨身北隣楊子時見親高譚文字凌

周秦棲遲水榭並鸞嘯閒凭風檻觀游鱗三十年來話

雜沓百千載上情紛綸愴然折柳行浣塵何方跋履將

獻珍鳧令將北行新詩哀艷感鬼神長安好士誰平津才人



俟時當逡巡落英豈定溷與茵故園暫留踏晴蘋空梁  
上义謀漉巾雖非酒人情汪倫屬君一卮君莫嗔

送鳧令北行

穀雨茶熟三月過好春好友偕逶迤櫻桃傾盤鱗潑刺

行李上馱騾陂陀但願術者語奇驗

推數者言一休美二年可得官

同學人魏科只傷君去予索莫心肝嘔出將誰何十年  
不歸歸一年詩卷束筍書如椽尺蠖蟠泥寸陰斃長虹  
飲海雌霓篇塞北高寒稱才思江南卑濕非性便致身  
及今猶未晚飢牛牧豕誰獨賢

和芋莊五十自壽詩三首

天遣騷人謫紫辰庚寅而後有斯人葯房蘭畹成香國

鶴子梅妻締好姻風雅直追三百首飛騰斜倚八千春

海隅逐臭紛紛是馥馥爐烟說姓荀

詩學狂瀾迴既倒論交尤不世人然情深鼓瑟江峯曲

芋翁論海內詩人推虞山師爲祭酒

淚濕琵琶荻岸船

楊秋屏先生官江西時芋莊爲客極

詩文嫋嫋千言懸劍樹近著輓楊詩一百韻茫茫七聖擲魚筌只

今抱影耽予默大地平鋪白雪篇

滿腹濡身是所期肚皮容易不時宜凌雲賦在誰監狗

泣鬼詩成莫送鷗丹嶺振衣傷鷁退漢濱遺珮悵狐疑

十年兄事吾欣往也苦雲將暫遠而

子頻年旅食江上

用韓致堯寄湖南從事詩韻卽事示席間諸公  
好事猶能破獨醒更燒野水佐輕醒新知婉戀看如昨



昔夢模糊記不明瘦盡東陽綠小鳳怨盈南國爲流鶯  
更闌燈灺還堅坐稍喜雙葩慰客情  
客中  
客中四度逢寒食一片梅飛一點然虛白庭前苔漠漠  
冬青樹下草芊芊慈親涕淚和羹飯穉子周遭掛紙錢  
應念遠人高處望舉家回首大江邊

贈李生夢仁

憶昔侍坐南州廬長檠洛誦五夜餘愛子識字用心苦  
短衣雄劔疑射虎只今轉瞬二十年子鬚鬢我華顛  
晚香空谷坐零落相見有時詢盍各答言多病復多愁  
爲圃爲農今老謀無端忽墮童子試豹韜犬韜角神智  
青芝昌陽收藥籠四十萬匹皆爲空鄉里小兒咸嘖嘖  
彎弓走馬亦奚益丈夫變化塗何寬竿木隨身如轉丸  
不能伏鷄能將士國士無雙亦如此

命童子移砌間草花喜微雨適至

砌間小草花礙我下堂履徙之遠尋尺庶不逼處此童  
子爲經營終朝似耘耔葉垂根未舒畏忌卓午暑俄焉  
黑雲遮雨絲更旖旎莖潤本則滋如病得霍起微物荷  
大慈輾然爲一喜

五月十四日拙存堂舉浣花會限浣花二字二

首

公昔趨泰伯此地東侯館艤舟沽蘭陵意盡竿數滿消



釋撫事淚毋乃衣裳懶迢迢千餘年吾黨備禋禴辦香  
燎前榮琥珀光盈盃諸子摠衣承主人希鞬袒願公嗜  
飲食生世愁一浣祭畢飲公福觴急憂心緩誦公卜居  
詩流水如在皖夏日偏淡沱華堂雜涼煥我友此高會  
勝事良亦罕莫苦酒盃寬莫悵歌行短  
念公去千載風雅淪淫哇僞體日以滋紛拏如亂麻漫  
以翡翠羽欲撩鯨魚牙百川倒狂瀾誰復隻手遮豈無  
憂天人力薄志則賒所望公嘿佑轟然掉雷車吾黨皆  
善鳴屈宋不足衙麗句隣古人虎脊伏野麇飄搖將軍  
樹掩抑女子花再拜啟我公何時豁咨嗟願吹東海波  
添杯莊生家但看獨舞鶴早靜兩部蛙

莊雲襄舉浣花會招同芋莊諸子送鳧令北行  
分得圖字借用東坡游孤山詩韻

燕千山吳五湖美爾踪跡無處無隨身兩膝奮凌厲員  
錦一奚引歌呼十年不視妻與孥朋友膠漆相歡娛卽  
今聚首向濠上爛醉婪尾爭盤紆昨歸迷惑非故廬不  
予子子傷羈孤過眼柳花又黃葉寄語萍草隨青蒲牽  
袂惜別特細夫君不見神駿蹀躞八極猶朝舖杜老壯  
游誠良圖尺極日取快有餘出門長笑何蘧蘧老友失  
職思逃逋刻鵠畫虎羞難摹

除夕同長卿學人用東坡野宿常州城外韻二

首



曉起白雲披衲衣晨光明滅恨熹微愁來避債臺何所  
睡去尋人夢獨歸捫足得閒詩侶密病足伏枕在  
衡日三四至感懷  
作惡酒徒稀悼叔魚公  
榮下世蕭然粥飯僧行徑二尺寒檠永  
夜依  
流光冉冉歲云徂日薄西山馬在塗病榻支離堆故卷  
小牕喧沓換新符兒來扶拜堂前影孫解驚呼雪上鬚  
最後一杯粗遣得可堪脚氣入春蘇

嵩臯四十次學人韻

瓦缶方雷鳴無言清廟壁構榱爭雲扶不動漢殿栢大  
材爲上棟君子重前席所以古之人瞿然惟自責徒逸  
習艱貞辭甘就水蘖以此定進退以此覘損益晚亨遂

馬周前頓亦曲逆吾黨程夫子俊髦不足役胸欲海岳  
羅手向星宿摘年少桀等倫早對大廷策兔榜快鵬舉  
猥羣伏虎脊雄文良苗似膺膺達驛驛冬釭無輟春卯  
諷怕及夕南溟積厚風養此車輪翮豈比同學翁老醜  
分淪謫差幸托里閤叩門豁心迹鴻篇飽人饑險怪瘵  
吾癖今日復何日良會真可惜湯餅紛綸前合圍浮大  
白檀心冶冶黃竹實離離赤偷閒強仕年此樂誰與易  
世事波瀾興宦海行籍籍微賦味或與詩無異  
世  
作客頻年賦索居蒼龍朱鳥又乘除殘花冷落商人婦  
弱絮飛揚浪子裾開卷便拚吟爛熳閉門焉用足趨趨



故鄉憶我還存問一尺鱸魚幾寸書

自吟五言四截

選三

船居思上岸岸上愛船居吟望先生柳鈎提太史書

書就憑誰寄詩成只自吟嬌娥初起勢獨鶴晚歸心

兀兀連芻狗心心買蔚藍問君何自苦黃蘗換青柑

嘲杏花

綽約仙姿傅粉朱托根何不傍皇都風欺雨虐誰人問

只對乾坤一腐儒

代杏花解嘲

薄命何心向紫宸年來猶喜近幽人縱教冷落辜顏色

免受元規一斛塵

再別長庚

釣竿漁艇亂鷗羣斷岸垂楊宿壞雲檻外水聲流六代

雨中秋色冷三分誰家簫管偏長夜病客心情也薄醺

自此吟魂在桃葉桂花時節倍思君

雪後荆嘿菴招飲

江城晴雪逼春容絳帳風清置席重窘客藥空神轉王

故人情倍酒偏濃燈前揮塵光搖穗門外棲鳥夢落松

歸去此身圖畫裏柳堤寒影聽疎鐘

江都君亡後見女分頭寄食僮僕亦各以事去

予每到家門徘徊不于輒不得入偶遇隣媪相

爲問答涼然賦之



歸去還如客候門婆娑魚鑰涕瀾翻苔窠失母雛分散  
葵圃無人種不繁黃葉亂飛全壞徑烏龍遙吠半頽垣  
昭昭白日重扉掩消受隣姑一笑溫

輓白宜生先輩

南村訪友路蹒跚執手驚聞碩果殘詣若營齋聞訃花史尙聞

殷甲子杖藜無復漢衣冠谷風習習梅飛盡野水茫茫  
麥秀寒我輩未須紛涕淚玉樓高處有交歡

生日自悼

每逢生日歎虛生老大支離倍愴情菽水艱辛慚阿母  
鶉衣補綻憶亡荆悲來真覺魂銷盡身在渾疑淚結成  
最憫諸雛粗解事強排歡笑暗吞聲

自和門字韻一首

人咲長貧尙席門南榮私愛日車翻遺琴敗壁蛛絲網  
裹飯靈筵鼠跡繁淚點寒更鄂君被眉灣纖月宋家垣  
卓栖不作多時冷百歲同歸一穴溫

哭徐中丞荆山先生二首

人稱房杜出河汾篋衍遺經半贈君先生出先君子門下第一沉

潛能寔學無雙才地每空羣鷄鳴風雨瑤函在先生寄書有昔  
年風雨鷄鳴景象某未敢片刻讓等語馬鬣經營玉俸分先君子捐館卿

貳十年違伏謁麻衣如雪愴清芬客冬先生奔太翁喪歸

手提藍玉與他山申令書堂要閉關此去九重襄輟哭  
歸來五畝就安閒只愁雪路難為別誰料花時竟不還



丹旒素車千古恨  
河流瀾瀾淚潺潺

殘臆卽事用元微之遣悲懷三首原韻

嗟君失母伶仃極  
許嫁黔婁運更乖  
羣婢懽吹誇姊聘  
阿翁寒苦典孀釵  
最憐三日調疏糝  
又病深秋對落槐  
自此傷心貧到骨  
枉教沒齒奉清齋

去年泉下音容斷  
今夜燈前髣髴來  
愾息分明知我意  
淚眸撩亂爲君開  
陰陽路杳難親覲  
經梵功高小費財  
生世絕絃奚足恨  
啣冤只有一人哀

消鑠心精祇剩悲  
流光道盡欲除時  
獨眠虛室常無夢  
要詛湘神未有辭  
穉子助哀長迸裂  
一靈如在見何期  
縱開夜夜鰥鰥眼  
難解寒泉百結眉

除夜用襄陽韻

日月雙丸急箭催  
韶華冉冉欲重迴  
梅梢帶雪添生韻  
桐爨逢春只死灰  
壓歲索錢嬌女態  
辭年命酒內家杯  
可憐物色還依舊  
無復卿卿舉案來

流年告餞爆聲催  
一番春光取次迴  
燭炮爲誰拋急淚  
香消時自撥寒灰  
悲來是處依三匝  
夢去伊人共一盃  
半盞蠶鹽難速客  
恐辜深雪放舟來

四郡全人將以文會至

京江孫月潭章聖可周禮裁程紫星江服懿枉  
存講會全人公讌卽事二首

監河貸水澁流澌  
驚喜高賢寶璐馳  
東國衣裳今日會  
南皮風雅古人期  
長駟說苑叅談劍  
小試文壇樹酒旗



鱗羽便成看破浪青雲無盡在天池  
小篇文獻  
壇坵東南十六州年來零落付東流  
三义岐路楊朱淚  
萬疊陰雲李白愁自古斯文須後勁  
只今吾道仰前修  
散樗休咲支離甚匠石揮斤在上頭  
湖上遇鄭宣成  
欲歸滄海愁無楫欲上青雲未有梯  
我已因人成浪跡  
君今何處尙栖栖山分大小連瓊笈  
劍合雌雄起玉霓  
弩力遄歸莫畱滯六橋花柳總低迷

西林詩鈔卷四終

西林詩鈔卷五

武進 陳 鍊

芷園先生王嗣行閱定 山陰孫 讜椒圃氏選

今年甲子予六十皇覽之辰在子月十日也今

七月二十六日及門諸子爲余舉觴於井里董

氏先是有宦邢州者招予往諸子慮其行之果

也聚而謀此以禮侑食卜夜合歡餘酒無算極

歡而別是役也諸子意思懇惻予甚媿不克當

登堂者李子修昭念哲夢仁唐子靖元厚培會

真董子寒玉又程經存位中祁孫劉子子英徐

子敷在方彙學人熙載紹文禹書蔣子岫明吳



子建中許子時偕程子道源巢子大傳楊子農  
先乘萬汝獲鼎臣周子漢采趙子載訢方子勉  
仁陸子在豐凡三十有一人翼日得詩六首紀  
事請諸子之能詩者屬和焉

陸機文賦早傳經四十年來腐草螢落落各天今聚井  
泠泠積水任浮萍南州曲奏周郎顧北海觥飛屈子醒  
戶外有人誰好事屏風好在設丹青

芸乾蠹濕亦多時馬失焉知取自怡却累知心謀爛醉  
並團白首進新詞喜聽同調摩焦禿莫說無人爨屨屨  
自古忘憂惟此法况聞絲管沸經帷

江城斗大十三遷剛在東南半壁邊叢桂小山香漠漠  
白雲深處水濺濺他時魂魄猶思沛老去齏鹽只信天  
經笥未知誰荷負莫忘風雪繼前賢

天涯淡蕩意生身落網譙翎失澤鱗易水酒痕猶在袖  
楊州詩卷未成塵清吟雜夢桐花夕鄉語巫魂柳汁春  
何幸神仙留福地依然硯北鬢垂銀

荷立滌波蓼裊風盈盈濯錦漾晴空春歸五齊薰芬裏  
年在諸生引翼中南阮梨蒸甜雪白東陵瓜剖石榴紅  
歌場絮閣麈文字五夜雄譚氣作虹

舌耕四世抱殘編辛苦芸人敢自賢但見白眉都秀起  
自先祖父以來信知韶腹未成眠甘鮮蓮實香秬粥清  
受經者多顯達  
辣椒花藥玉船寅餞幾時河倒瀉臨岐腸斷各風煙



同垂祉左賢坐文昌閣下

新霽豁塵境高樓清客心樵音古琴斷茶沸流泉吟世  
味淡方遠物情閒始深回頭顧二子何處噪幽禽

摯老有靈壽之賜詩以志謝

聃老師資拜五千又叨靈壽欲扶顛鳩無祝哽安頤朶  
鉄不生簧習靜便獨坐虛堂煩侍側相將捷徑賴爭先  
支撐總荷翁慈力可許追隨四十年

寄舍弟

短檠當我前醉眼搖朱碧展卷一重綃讀罷意格格問  
我何所思渺哉非咫尺柴門江上開垂白望雲翮日來  
每心痛毋乃指微齧兒罪誠滔天坐此震榮魄留滯非

初懷慚憤彌鬱積紙牕月融融簷隙風槭槭風月知人  
情照拂思歸客春明或拏舟遠亦冬縛輓萊衣舞花前  
季米負遙陌世事奚足云天性取悅懌貧賤吾固有舍  
之欲安適仲弟素豁落季弟頗警策調劑煩阿奴乃兄  
暫寬釋堂上慶加餐游子抱拱璧無端墮燕塵羈棲若  
單隻唯有一片心三千里不隔

送叔美南還次在衡韻四首

京國情如火羈人面有水驪駒方躡蹠風雪欲憑陵青  
颺旗亭酒紅知旅店燈絕勝孤館客瑟縮紙牕蠅  
同泛天涯梗何堪折柳枝况經搖落後又逼歲除時羈  
思憑誰訴鄉愁黯自知銷魂當此際弦望有前期



故人時到眼有幾故心人身世憐予拙情懷愛爾真君  
平應共棄公瑾自相親莫學哀歌者長塗畏損神

此去道云遠行行直至黔

同令弟青村之普安

青山縈一水黃鳥

映雙柑問字羅囊解

為令姪授經

論文竹葉拈壯遊還廣被

勝事爾能兼

古詩為蔚縣張孝子作

孝行本庸行不在為其難時至事則起難者尤不刊蔚  
縣張孝子母病憂無端藥母母不藥饋母母不餐籲天  
以身代踏地徒焦酸操刀割股肉進母母得安至行感  
神明膚毀心獨完時人誚其過此意殊髀髓薄俗暱妻  
子不惜心血殫此身親所生孰肯為親剗取舍不知類

迷謬誠足歎焯哉張孝子矯矯雲中鸞蕪詞備國風吾  
欲獻史官

端午後二日集借樗齋限韻二首

卓卓班馬匹爍爍天漢才吐辭鳴高岡獻賦登蓬萊在  
苒二十年鳳禁猶低徊寓齋鐵鶴旁吟嘯滿八垓南隣  
送新綠鬱然疑古槐花葉兩繽紛嫩黃撲莓苔先生顧  
之咲公等宜一來俸錢足取酒勿虛席上杯初暑已炎  
歎南山有輕雷涼雨颯颯至一洗庭間埃蔭借隣家樗  
莫謂木不材不見千古人翻以才見摧良馬辱泥塗美  
玉遭燼煨至寶豈絕無卞樂安在哉舉座飲正酣未覺  
此語哀



草玄今告成入室推侯芭

王令

謁選辭北闕分符去南

巴同人惜驪駒醜酒行紛拏雲間小太白

寅

飄飄到君

家大毛治魯詩

倚人

爛爛如江葩令弟河陽回

敬

將上星

漢槎人生合并難分手俄風花相見只痛飲何事空吁  
嗟一舉百十觴獻酢相交加露坐跋高燭逸興未有涯  
莫咲酒人狂後會知猶賒青綬繫腰間竹馬將扶車玉  
堂俟朝參鳳團已煎茶不宦亦有事是處生搔爬或來  
擁百城或去耘一畝

再餞鳧令次芋莊韻二首

一曲驪歌辭水隈纓纓話別趣啣杯壯君萬里長風去  
酌我三蕉舊雨來橫側兩間誰管鮑古今多事說陳雷

酒酣斫地哀歌處不用詩家玉尺裁

停鴻咲語並軒軒一把楊絲入手繁鹽鍊濟時馱瘠馬

陰符累爾去柴門酒澆閩客聞新語

臯

自雨捲湘簾

坐老昆船到使篷宜着手浮沉不比醉留髡

聽沈叟琴

沈叟善癡語自云爲柳毅燒燕何曾持脯龍有何味至  
今作窮獨古刹寄雙扉立堂酒方酣焦尾音忽沸一曲  
落雁聲秋氣拂百卉又作舍舍胡胡鳴聞者索索墮生  
氣沈叟沈叟其無庸毋寧說鬼譚騎龍

不寐懷學人在道

歲月真駒隙得失一蕉鹿世事奚足云道誼彌鬱郁徐



生久不見厲階桂林馥斨斧斫未斷毋乃吳剛哭憶送  
 渡江時三月猶未胸忽忽打稻天風光等轉燭前月得  
 家報但云返初服水陸猶未知歸止杳難卜我昔賦南  
 旋因人悞脫輻守閩兼守風兩月繫鳧驚今子泛滄溟  
 應亦多悔懊彭澤解支愛贈子大宛牧學人有支公之  
好今春陶艾圃  
 大令以良騎寄贈胡不騁追風局促就檣舳兩夜頻夢君樓下  
 足縮縮醒來跲然空懷抱徒歷錄屈指作別來思夢難  
 更僕騎驢到都門訪舊慰幽獨牽帷人斯在方干並削  
 牘謂共天寒送君行改歲就我宿膾鯨酌天漿飽食摩  
 皤腹又在衆人中頽然項影熟夢入蘿月涼夢覺梧風  
 謾今夜獨無睡四更腸輾轉魚眼只鰥鰥雁奴長肅肅

司空本分事但恨夢不復好風何時吹新篇幾時讀科  
 第特細事飛鳴亦忽倏閉戶理濂洛韞玉媚空谷重九  
 佳日過猶及看晚菊側枕睨虛明靈鵲噪檐木

十三日全諸子集雲溪春暉堂賦春菜二字示

學人

四時最好日新秋與初春昨夜迎土牛節物快一新刺  
 骨寒風微拂面和風勻硯北亦枯槁小飲堪熨皴徐陵  
 架珊瑚坐我重席茵言有諸君子先後藹藹臻理學穴  
 閩洛文字窺周秦大宗追杜韓小疵祛楊荀最鄙是聲  
 悅無寧是輪困輪困非不材材亦何足珍早知命壓頭  
 嘯歌百千巡跼踏轅下駒躓躓洛下塵緇衣復何得鹿



鹿懷苦辛我欲竟此曲此曲愁吾人撥棄勿復道酒熱  
且入唇醉鄉没人爭庶以全吾真  
東皇領物華所以資茂對江南岸未綠小圃行茁菜窮  
冬二陽成外沍煥在內於茲悟消息君子貞吝悔長夜  
方漫漫扶桑已變隼曦馭剛正中魯陽氣須倍旋轉視  
中權何有三尺喙形模咲目前毋乃婦女態高朋今滿  
座警咳珠百琲旁及因果言左史於焉在遂歌告吾子  
幸勿嗤襍穢

和叔魚鬻蘇集取藥寄學人之作

董生參朮仗東坡數卷詩文值幾多贏得吟詩娛白嫗  
却教宣藥替黃婆題畱護國經行得表住常州事往何

猶有硯池三尺水諸君蘸筆起烟波

東坡所寓孫氏故宅有洗硯池尚存

近學人宅

題學人雲溪草堂圖

舍南舍北水鱗鱗一派滄浪浣庾塵中有幽堂植蘭桂  
萊衣長侍白頭人

周郎顧悞笑橫陳獨坐辛齋莫問津翻倒八編昏短檠  
荆川去後讀書人

老屋西頭弱柳新海南歸老坐溪濱世間文字差長久  
倚着科名俗了人

題莊秋來扶犁叱犢圖

垂陽之下一茅舍案有經史閱冬夏此中碩人幼枕藉



荒雞短檠費遙夜忽焉斥去事耕稼犁端屈曲雙頸駕  
手驅黑犢口悲叱勢欲過橋向桑柘鄭重此業甘若蔗  
莘野南陽王與霸彼何人哉將毋亞向來縞紵情匪乍  
披圖流覽幾驚咤蛇龍天淵神變化輶視科名韓出勝  
鵬運寧以腐鼠嚇

上留田行

茫茫宇宙間同氣能幾箇何忍爭錐剗况我二人歡顏  
已過虛堂一座談笑誰和真無那剩阿儂覩阿兄頭欲  
白善慎懷斗粟不可舂尺布不可縫莫是上留田前人  
與人憐今又將誰愆攘膏腴一千寸心猶未全同懷欲  
割旁人鮮嗚呼亡者存者之心一何懸

和蘇詩賀秋田得子

扶桑紅日曉克閭萬里丹山產鳳雛稟氣合依千歲樹  
傳家猶賸一瓶書松生凍笋驚相看弧壓新桃慶有餘  
荔浦人情同畏壘秋田曾令荔浦知君舉子意何如

和陶淵明責子詩

辛苦到白頭所願無一實幸只兩男兒費不多紙筆志  
行皆中才庸拙無與匹窮經猶未能虛聲冒儒術閩洛  
垂微言十懼昧六七下有四五孫紛然索棗栗且用慤  
目前莫論身外物

送孫翼亭之官武宣

聖代疆索擴大千况此象郡翼軫躔不鄙其民有古賢



便是吾鄉傳侍環輕材心孔取自便暱近憚遠分嗤妍  
興公先生官武宣一車兩馬神洒然飄飄青綬臨風前  
揖我謂我上錦韉先世報國畫凌烟少壯稽古今着鞭  
蘊積霖雨傷顛連喜看膚寸百里濺大藤溪口茗雪川  
瑤光樓上風月鮮明璫翠羽知棄捐荔枝飽食此福偏  
行至羅池薦綺筵桂樹團團鼓淵淵勸農杏村寒食天  
爲我酌酒司戶阡撫字懷古俗吏鐫賢者一浣時世愆  
三年引領奏最遒頭銜新換珂里旋

七月望夕鳧令招仝碩齋在衡嗣曾雷門小飲

水榭紀事

生世如飛蓬忽散還復聚聚散亦何心悲歡各自取吾

友識奇字少日相沫煦饑軀落軟紅動隔十年所言歸  
會幾時又將逐羈旅華屋歸他人水榭豁天宇得草呼  
其羣小飲吾與汝出者仕閩嶠居者守環堵趁此秋飈  
涼肝膈一傾吐准擬月色佳俄焉乃零雨世事如陰晴  
奚足生觸迂憚生縛枯禪舍肉何數數雷門短許更局促  
翠禽惜其羽仰視黑雲遮葛屨欲偃僂在衡仲文宰百里  
氣滿射潮弩磅礴解襟裾延緣聽鳴鶻碩齋更有種荳人  
蝶夢已栩栩嗣會何似子雲才詩新調則古薄俗誚迂僻  
我獨愛其嫵老醜篋其間毋乃玉雜珉策博均亡羊絲  
桌同上杼且盡笑談樂莫訴別離苦

清明日仝鳧令飲在衡齋鳧令用范石湖桃花



如雨暮春酒之句作起訖歌成戲爲倚聲並示  
在衡

桃花如雨暮春酒幽人尋樂樂亦有偶行庭下爛海棠

禮南家海  
棠甚盛

閒看門前插楊柳素心老友呼殷兄啣杯樂

聖叨盧後陶公情話吐二三楚天雲夢吞八九主人胎  
素不腥食異糧爲剪春畦韭早着長鬚市細鱗先謀諸  
婦儲一斗碎琴老子慣爲客識字子雲備三耦駭綠紛  
紅艷草花優閒自得到鷄狗聞道樓居作閩仙瓊籤玉  
笈堆盈阜少壯爲歡曾幾時俄焉回首都成叟一領狐  
裘慚瑟縮十年燕雪空奔走到頭贏得霜上頭蛩蛩駟  
驢還成偶燭跋詩成錦不如酒闌劍匣雷欲吼世眼何

曾直一錢吾生空自埋二酉揀得桑榆秉燭游醒彈趙  
瑟酣秦缶記取今年寒食時桃花如雨暮春酒

### 麥秋苦雨

兩年不得麥民間常苦辛今年麥在田一雨三日湮雨  
勢猶未已老農切吟呻腰鎌候雨隙三歎眉含顰麥爲  
蒔秧本朝夕充常珍且以給租稅田主取救貧青黃不  
接時仰此餅餌新忽焉雨浸淫霉爛不可斷嗚呼天至  
仁何以仁吾民廓然掃愁雲麥場堆黃塵磨粉飛玉屑  
飽食歡四隣

望日放生至譙樓下買物命泥塗失足一跌小  
傷左手感賦



護持物命累吾身憂色無端到子春冒雨出門違定例  
諱衰拋杖警旁人平時懶惰宜膺責他時予每不能到是日以當會特一  
至意外傾危豈有因觸目顛連苦無告小嘗痛楚敢生  
真

雨池新葉翠色可愛招月舫若營秋菘過譚月  
舫賦詩見貽依韻奉答

秋月荷花池秋風楊柳樹朝曦放鮮霞晨牕挹輕露自  
咲追東陵荷鋤巡小圃更喜素心人言與晨夕數葛衣  
下蘿薜蕉箒辭杖屨何以供清歡敲門訪隣酤情話頗  
有餘粗糲此日度世事北樓雲功名南山霧俛仰五十  
年悲愉入良晤只此最慰藉朝朝復暮暮早久雨新集

稻花陡爭吐不學正字翁琴碎吟感遇

附和詩

瀾

新雨打池荷涼颼響庭樹披衣親荷鋤菜甲摘微露  
天意釀饑饉人事困農圃言尋忘形交哀樂堪與數  
清晨走長鬚戶外罕雜屨盤餐味難兼濁醪隣可酤  
藉此文字飲歉歲差足度近市多俗塵虛名特秋霧  
榆景換良辰聚頭得快晤堅坐都忘疲清談失朝暮  
絲竹音且輟肝鬲樂傾吐歸路月色微螢火巧相遇

和

潤

輕風縹秋塘疎雨漉老樹詩思突黃初節侯屆白露  
稜歲憂村農稻穗槁鄰圃非無良友朋佳日難與數



何意莫逆交策策踏芒屨異糧愧家儲米汁趁虛酤  
池荷晚翠浮堤柳歸鳥度吟歌散夕陽文藻隱曉霧  
樂此勝賞賒再圖重把晤采菊恣幽尋三朝迨三暮  
紛挐名利場一映爲散吐言別劇相思思夢倘塗遇  
苦熱  
炎威張甚肆橫行但聽鳴蜩似沸羹何處置身開窟室  
阿誰伴我織綃帨千尋玉柱摩雲勢百尺銅瓶下水聲  
想到高深都有境凡夫束縛可憐生

次韻芋庄過水亭觀荷說餅之作

靜眼觀世久世事一縷輕低徊衡門下如繞芙蓉城撫  
此左右史薄設大小程感時苦鬱蒸西風襲檐楹老友

東郭生健步凌炎精侵晨雙鳧飛亭午一蓋橫俯狗說  
餅約爲拂荷衣塵並齟齬新蟾月諸公靄靄臻異張夙敬  
老慚愧無米營况累南村賢釋却河北觥秋菘方與芋  
老有酌酒之  
約蓮邊兩隊魚柳間一聲鶯嘒嘒稍引去習習颺還生  
雖無德與汝古今肆量評獲聆高人譚如聽緱嶺笙不  
嫌腐鼠餐乘興續續行

七月七日晨起同霽堂赴研堂之招留連浹日  
記事一首

頭憐秋士白眼愛故人青鑰啟當關喚總虛啄木丁避

人三徑草處世一莖萍廿稔浮踪合雙珠照乘熒與霽  
堂交

二十餘年矣乃其吟求友什看寫換鶯經拙句汗佳筆  
郎今日始見



蕪詞點畫屏

研堂逸齋堂書  
拙詩刊于屏

邵平瓜五色陸羽水中冷

水齒盤承露濡顛斗酌醽留連送白日偃仰足玄亭柯

爛棋頻易蕉陰夢未醒強梁卽人禍谿刻近天刑

適感  
近事

漫咲紫姑卜閒論織女星涼風傳暝柝疎雨濕流螢好  
客長懸榻飛觴欲建瓴何能辭作達下戶懾劉靈

贈仔重

涼風歛吸北牕至羲皇上人破美睡何處荷香斷續飄  
誰家秋色丹黃膩古來樂事歸爽鳩卽事懽心烟雨流  
疇拓長繩繫白日爲添野水羅新篔浮雲西北念吾友  
觸熱開筵置樽酒人生三十奚足云一卮勸爾聊爲厚  
詞翰升堂舊兩人鷄鳴膠膠知苦辛久交三世閱四世

暫交十春歷廿春事一先生懷一槩心花管蘂爭擲揆  
王後盧前莫短長吟風立雪誰餘欠五千言就出函關  
尙父湖邊虞仲山不少善鳴雲外走却拋徐甲老人間  
諸君以故兄事我弟畜灌夫誰能那慚愧將毋到異糧  
不爭座位當頭坐沉李浮瓜紫簞張調冰雪藕樂陽陽  
肝腸白雪向明月一舉何辭累十觴陸郎陸郎吾語爾  
及鋒努力拾青紫人生快意須少年寂寂鈍置誰堪此  
吾生昏惰見事遲失路掣肘他人嗤牀頭輾轉兩蟻鬪  
河心瑟縮羣狐疑翻手覆手憶細故背面當面逢薄怒  
自分忘機海樣寬誰知反舌枝頭悞飛燕受嚇應見羞  
牛觸孔雀非我憂剝落翠羽細碎辱往來赤霄千百秋



只今對酒且快酌世事風前筠解籜兵農禮樂仗諸君  
春風沂水何傷各閩山高處玉闌干執熱消除也辟寒  
尺素好憑青鳥至白雲貽贈碧天看跨鶴歸來訪問里  
諸君少者耄耄矣廉石茶鐺續笑言與君看取蓬萊水

學人新婚贈長句一首

追錄辛未舊作

江城十月小載陽錦堂畫戟森開張鸞簫鳳吹聞遠近  
香車寶馬分低昂西踏沙堤爛雲漢東歸栢府生輝光  
有客有客履雜沓登堂稱賀如堵墻云是徐生結褵日  
玉卮金燭襄牽羊徐生再拜啟問我何以時俗違經常  
昏禮不樂亦不賀思親著代神徬徨先生講習恒在耳  
戴記曾問何敢忘我聞此語三歎息安得晚近追成康

親迎乘馬不坐轎俟著入夕非朝陽世遠禮失寧一節  
從宜從俗參古方聞子有客爲子羞糲脯棗栗克邊房  
况是諸君擅風雅班香宋艷翻清商新詩句句美如玉  
大旨勗子追珪璋珊瑚寶架子故物春秋博議孫相莊  
令母聖善操黃鵠三品八座猶蟹筐安不忘勤貴彌儉  
清晨視饗宵縫裳此行新婦佐閩政三日洗手調羹湯  
內則無成稱職易厥子代父艱劬勩萬福原本品物遂  
五倫以此爲宏綱愛子年少負遠志香奩宮體常勿違  
却扇團圞秀才能催妝支粉才人腸擺脫一切雕蟲技  
翱翔千仞學鳳凰只今嚙嚙三十六第祿壽考百歲長  
貨財筋力我何有長歌記事留錦囊所愧詩格涉凡近



子其三復闕睢章

丙戌元旦

九九晴和雨繼之開頭曆日苦絲絲門多謝屐跲然至  
經有華嚴密爾窺年過六旬忻減事黨無三老省先施  
遙傳警蹕巡梅咲上番春光取次怡

玉蘭大放卽事賦古詩一章

畫堂烟煖春晝長雙雙燕尾薰風良詩人禪客並磅礴  
聶喘白翁坐中央三爵油油送神去鶯花指點靈旗路  
飲福尋歡向何處君不見玉樹參天千花萬萼爭傾吐  
數日陰雲護薄綃艷陽嫩藥今廻顧博議文心迸玉肌  
瑤臺詩思搖瓊霧寶珠矮樹潑腥紅玉節冰心萇血注  
珠宮貝闕丹霞互衆香國裏各分香羯鼓聲殘日將暮  
爲君酌酒與香山歲歲花開一相遇

予居近城東南學舍直其良鐘樓塞其兌舊名  
正素坊明季張二無先生有故宅一區今屬江  
都予僦居其前半宅旁隙故有池池蒔荷予宅  
當池之西北隅花時予獲寓目焉六月二十四  
日諺謂荷花生日子予以是日招同人祀香山先  
生于前楹而飲福于池上小閣遠挹柳風俯襲  
荷氣檢香山集有池上篇因借和之以呈諸公  
其詞本四言體製簡古叠出爲嫌請諸公或三  
言或四言或五言或六言或七言或九言各成



數章總名之曰池上篇云

屋東有池池中有荷其花爛焉蜀江錦波初日芙蓉紅  
兒鬢鬢裳搖倩女嘴啄鸚哥驚迴碧眼發我浩歌  
池上有柳地方一畝三百繞之風拂左右一以吹襟一  
以醒酒綠疑交讓涼寔均受憑闌撫幽青眼我友  
池上有閣容膝而已置書一編置酒一匜未醉而讀既  
讀而喜千載上人不我欺矣人生至樂一味尋理  
池上有客舊雨素心有韻散言無絃敗琴子不我嫌我  
寔子欽玄機落落澹言深深鄰酒肯賒與子偕斟  
池上有人非古非今佛來與筏妻去失鍼兒孫粗讀愧  
無贏金何以自娛蓮紅染襟高山流水付之孤吟

良日嘉集香山先生弟子數人聿求友聲何以餉客涼  
颺輕盈更屬一卮莫辜晚鶯履道滄浪陶輪手擎

秋雨用昌黎韵聯句

江臯鸛鶴呼澤國蛟鱷會陳鍊盲風挾雷轟苦雨轉雲藹

徐永宣史占休微淫農課急去泰鍊喧虺峯巔樹頹洞湖

口瀨永宣情愜城隍幽神懾渤澥大鍊流惡滋莠稂渟泓

浸蕭艾永宣百昌竊天工擁腫孰可奈鍊晨起擬霽蒙更

定未塞兌永宣杜屋茅猶飛晉壘斬欲汰鍊始知霖雨雄

勢出乾坤外永宣高下浪訇訇官私蛙噦噦鍊晚荷凝新

寒叢桂過早馥永宣千絲爭紛綸吾道競滂沛鍊天色死

灰黯地竅夷則籟永宣甌釜魚游舒陸岸舟行怵鍊振眼



鏡漢槎失脚黃河帶宣永自夏苦暵乾入秋涉潦害又聞

書有盛崇作禍畝澮鍊田間駐清歌懽塲聚無賴泥飲

爛巫覲擎拳卜著蔡宣永田祖既醉歸隴上輟耕酌鍊安

得報新晴明靚豁荒蒼宣永靈旗濕飄搖村鼓渴填磕鍊

稻畦胥珠魚水蟲耀錦貝宣永指顧登萬寶露積滿千層

鍊下戶敢玉食元儒免瓢丐宣永賈航迅破篷客路窘滓

軟鍊鳧雛方傍眠鳩婦猶未翮宣永菱盤深泥蟠藕菜張

雨蓋水勢莫沼吳漁歌欲譏郇宣永硯田蕪疎疎疆稷喜

旆旆鍊閱月黃雲亘野曠烏柏靄宣永禾把賽高墉稻苾

屑飛塏鍊蹲鴟美作羹松鱸鮮可膾宣永一年時序繁樂

事深秋最鍊父老甘粬救腐儒飽粗糲宣永但祈皇天慈

速霽無過霈鍊商羊倘仍拚毋乃其毒太宣永

西林詩鈔卷五終



唐芑野小傳

莊令輿纂



君姓唐氏初名杜字靖元惲宸其庠名也年二十九始以是受知于醒齋李學使父平朔公故明諸生易代後棄舉子業弗事君甫就塾則日課以五經左史故君于古爲邃及長從錢湘靈楊起文陳道柔三先生游始工制舉藝然嗜古益深嘗手評史記六七過湘靈先生謂有史記癖詩尤刻意生造以離騷爲宗甲戌乙亥間予偕諸同人舉浣花會祀杜少陵以詩相酬倡君及胡子芋莊陳子道柔董子叔魚皆與焉一時號能詩者必推數子叔魚年最少最先天其後芋莊道柔以老病卒君



潦倒諸生中十餘年鬱鬱不得志遂患風疾又十年乃  
亾年五十五嗚呼予自浮沉宦海與數子契濶久然意  
未嘗一日不在酒杯燈燭間也今歸而數子已皆物化  
蓋不及三十年欲追曩時嬉游酣笑之樂渺不可得獨  
其詩皆在又多可傳差爲幸耳君性豪邁喜飲酒旣醉  
歌呼或泣下有徵其故者不能得嘗賦大招夢魘諸詩  
骯髒鬱勃不可一世其託寄略可見始君年十四患病  
父命以陳壽三國志自娛至帝魏僞蜀輒拂然忿歎自  
是有意訂正後卒成季漢史若干卷友人憚雷門嘗極  
稱之謂義例本春秋文筆類史公云書始成有友議荆  
州不宜全入漢疆域內建安二年與吳分畛則長沙江  
夏桂陵三郡屬吳南陽又以屬魏漢所有者南郡零陵  
武陵耳君唯唯友夜臥夢有人語之屬漢是也何改爲  
明日以告君因笑曰芑野書通神矣芑野君別字也



芭野詩鈔卷一

武進 唐惲宸 靖元

芷園先生王嗣衍閱定 山陰孫 讜椒圃氏選

咏懷

四宇淨無塵天風吹窈窕妍媸各呈露碧月同一照幾  
欲擊空明相將發蘭櫂嗟彼世俗子越吟非楚調童土  
有羶羊營營聚羣好

飛鴻印指爪鴻去雪滿林指爪旋復滅鴻飛杳難尋來  
者倏而逝自古以及今刻刻不相續念此淚盈襟常為  
達者嗤用情何必深

我心無所嗜嗜紙如伊尼圖史為園囿典籍為糟醅潛



心忒幽討已取隨復遺其意不在書寸田自耕治古人  
俾無訖千載長相思

世緣雖已淺幽事還相尋春風詠舞雩流韻到竹林讀  
我膝上書彈我風中琴閒心忒來往入夢羲皇深悠悠  
塵世中愛憎何庸心

李白騎鯨魚太史窺九疑古來澹宕人鼓盪山川奇不  
獲與之遊我寧如伏雌閉戶生青苔苔積花暗滋爪髮  
日夜長靜中應自知

江湖多網羅色舉翔而至人智弗如禽不縛常自繫我  
生亦何爲鹵莽無位置昔爲人所欽今爲人所棄山空  
水自流落花原無意

秦淮詞

秦淮一片月痕秋隔水盈盈人倚樓綠柳簾垂風不捲  
和烟猶掛六朝愁

中秋夜渡洋子江看月和蘇子由韻

秋月氣爽天爲高光搖銀海生白毫月姊渡河鼓蘭柅  
憑虛學水興波濤我正蒼茫渡洋子千山影入滄江水  
不知此時身何在白練平鋪吹不起碧波吞吐浴金丸  
此下疑有蒼龍蟠山凹空響細風激波面微吟明月寒  
當時有客浮古汴倏忽千秋陵谷變一天月色寂無譁  
松篁間作聞歌板水晶碧落堆金山四面石築如城堅  
去歲宸遊風日暖于今已當畫圖看最憶春光三月



好恰趁晴暉闢芳草花落棋枰鳥競銜雲歸塔頂風吹  
老無錐立地恥言貧古劍隨身不顧人天洗明眸秋月  
出照我中流浩歌客

冬日村居

茅簷霜壓草毳毼旭日低窺甕牖開榨下酒嘗秬米麩  
煨殘芋撥荳萁灰羣鴉野磧驚風陣一犬籬笆吠雪堆  
飽飯出門隨步履片雲將影過橋來

夢魘

墮身幽穴中昏黑日交睫聞聲敲石火照見壁上蠹離  
離長尾延夬夬短鑷接中去人捕影至嚙肉如刀截此  
物歷年祀天地爲所竊溟濛毒霧興變化至恍惚隱彼

昆蟲跡飾敝事巾幘十指攢毛錐百喙囀環舌徧謁主  
人翁希踪三輔傑懷妬心常嗔忍辱氣不折薦席專房  
寵恩愛獨我結坐食老孤狔雄飛逐雌蜺迷魂蜀帝鵲  
癡夢莊周蝶朝啼春樹陰夕戲芳草陌入座忘其形杯  
盤已狼籍膠沾葉上粉渴飲花底血饒狸暫放假詭云  
懺前孽長齋刀俎前頂禮虺蝮窟糝糊世人眼於中縱  
陰劫時時集羣醜挑達在城闕轉丸調蠅蝦緣壁走蜥  
蜴鼯鼠來無時挾勢亦張蹶未能去皮毛索索叫昏夕  
一蛇維九首白齒粲若雪惡氣爍洞堂稽首上朝謁譬  
彼東陵盜賊首拱柳蹠於茲法益奇磁石鐵善攝我行  
見未會塌然肺肝裂拔劍劍已摧析骨恣饕餮出谷竟



無期忍痛坐黑月安得塵寰開雨洗清秋碧驚魂久難  
定轉輾成夢魘

大招

上揭短書叩天閭欲伸一言雪涕痕日穀月輪十二番  
室家兀跪如攀猿白頭兄弟口舌反強弓毒矢絕墓門  
疾視白骨拋荒原張牙陷人傳厥孫腥風激射昏乾坤  
井蛙望天頭戴盆以金鑄身高自蹲剝肉刻骨忘本源  
皆緣狐鼠論世婚配以非偶通脞臀如虎而翼勢若掀  
鼠凶入牀嚙布禪狐凶入座翻汗樽萬牛鬻炙隨吐吞  
繼以不足人朝殮神咒厭効魑魅奔何當么魔誦真言  
舌鋒瀾翻不可捫陰風毒霧霾千村欲肆誅伐先其元

我聞在昔皆飽恩今胡爲哉若銜冤幽明異路難備論  
寄言人世雲雨翻急燒海南赤玉璫當風揚灰無遺根

擬堯夫首尾吟十首

堯夫非是愛吟詩詩借堯夫遣興時醉裏那看醒後憶  
覺來真笑夢中癡覓將虎穴安身法劈破鶩籠放胆嬉  
往事閒評消白日安心自悔十年遲

安心自悔十年遲歷徧千巖倍險巖單豹關門防虎後  
螳螂執翳捕蟬時青天耿耿雙蓬鬢滄海茫茫一釣絲  
悟徹塵緣無別事許教莊叟號支離

許教莊叟號支離大小平分快活時羊角風高鵬九萬  
菜花香滿鷓差池堅牢意思如磐石刻苦心腸類卷蔬



竟得此身誰是主任他臭腐與神奇  
任他臭腐與神奇消息中間祇自知粉蝶作團飛貼地  
黃鸝並坐語交枝東風柳線吟詩處南國梅花讀易時  
徙倚闌干清晝永閒情素與白雲期  
閒情素與白雲期正是雲峯欲起時渴酒腸寬春漲發  
芒鞋底闊萬山隨平鋪心地原誰怪任放天真足自怡  
不啻乾坤猶有憾花花葉葉自參差

花花葉葉自參差風月襟懷任爾爲萬物逢春皆自得  
些兒喫緊少人知青山有信曾邀汝白日無情却戀誰  
不問窮愁與富貴東風吹髣總成絲

東風吹髣總成絲萬物庸庸且自私鴉背閃金明有燿  
蜂鬚捎蜜潤如飴人當肆意求榮日我正千方避辱時  
辱處卽於榮處是動中不見靜中知  
動中不見靜中知花上班簾日影移舊雨人情看不厭  
停雲詩館坐來遲漁敲石火燒新竹僧啜山茶點舊瓷  
一旦眼前空障翳澄心堂上徹琉璃

澄心堂上徹琉璃道念填胸卽是疵沂水靜搖春服暖  
南山高寄夏雲奇牕前片月當筵墮花底香風拂面吹  
鎮日淹留恬不競虛舟偏繫欲波時

虛舟偏繫欲波時社稷人間有鷓而火焰紅塵原不惡  
乳香黃口妙無知胸中雪艷梅花谷天下春收竹葉卮  
來往閑心聊遣興堯夫非是愛吟詩



君山浮遠堂

山堂恣高敞大江橫其前捲簾鳧鴨飛四望空雲烟興  
波盪虛幌浴日搖淨筵地厚愁無根沙闊愁無邊模糊  
遙寺塔出沒迎風船水色與雲光上下如接連卓哉坡  
公句江遠欲浮天取以額堂宇意與相周旋攀檻疑凌  
虛飄飄時欲仙坐久眼光定知在山之巔

秋至

秋至桐葉悲蕭蕭下庭畔日月如奔驥令我心曲亂鷄  
口炊屢屢牛背南山斫歌聲聞縹緲橫折秋風斷蛩吟  
碎空堦竹色浸書案西樓夕陽下雙目送汗漫

折蘆菴

澤國千里風蕭騷達摩老僧髭卷毛鼻祖糝糠鑄爾曹  
蒼茫一葦翻江濤結菴城隈跡如寄隨取隨携得名字  
白花漸漸黃葉飛於茲猶是西來意頻携杜曲薜蘿月  
飄然入山裳影隻我今望子蘆之漪獨占秋光臥泉石

卻衣篇

江南風景落花暖絡緯鳴機弄輕軟分花刺繡蛺蝶飛  
吳女裁縫秦女卷此衣非錦亦非緹傳驛千里來羗氏  
羗羊三百千駝蹄蹂毛力作熨貼齊五陵豪吏如狼牧  
中堂危坐牽虎皮民膏旣竭民力疲綺羅紈錦相紛披  
曲阿太守躬澹泊殷綺贈衣衣見卻毳罽如雲空往還  
却者贈者雙落寞昔者何人孔休文至今社里稱神君



楊花雪落徒紛紛相思日暮天東雲

記夢

辛未閏七月之朔夜夢恂恍遊湖湘荷花十里飛鴛鴦  
畫船簫鼓爭開張朱闌碧浪兩相映秋雨微逗灑夕陽  
我乘巨艇十丈長中有名士蘇與黃高歌水調東坡叟  
涪翁擘窠大如斗呼盧佐酒共醕酤晚風蕭騷怨楊柳  
三人共臥六尺牀舐頭交跖枕以肘醉魂驚呼忍腹實  
胞中畧轉乃起走拍手大笑陵谷囂平沙淺渚生翠濤  
傍花移艇過六橋洗盞更酌臨秋濠乘鸞仙人下九霄  
空行絕跡如飛猱數語未了倏然逝已過蓬閭誰能招

士尊席贈蓼庭

聞說空山好避人相逢且喜笑言溫落花惜別連三月  
芳草隨時借一尊所恨極天都鳥道更於何地覓桃源  
挑燈夜酌渾無事只有更闌月到門

江城對雪小飲同曹峩峩先生和東坡書北堂

壁韻

朔風吹雪正纖纖憑伏香醪與鬪巖座上儘看山倒玉  
樽前時刻虎形鹽江天一色排銀浪山郭千門失畫簷  
獨有佛燈燃古塔模糊猶辨白毫尖  
冰柱崢嶸鬪虎牙玉沙騷屑沒巾車銜盃不怕生肌粟  
填井須防落眼花興盡剡溪思轉棹人依灞水夢還家  
交河凍合東西路醉臥天關守藥叉



書家原潔兄書畫冊子

晴牕浮疊嶂素壁掛方壺時有窺簾鳥銜花入畫圖

題莊雲湘梅花小照

疑逢林處士涼月托孤諷疑遇羅浮仙殘雪耿幽夢箬笠芒鞋攜短筇如野鶴棲山空幾忘身居圖書裡梅花人意相冥濛花開滿春路映水看山樹曲澗綠生漪落花流不去何處不芳隣詩情最獨親素壁流雲相映發爲寄一枝江上春

玉虹硯歌

君不見華陰寒泉百丈井上有飛虹垂渴飲自曳長尾過滄溟猶帶曲池白雲影又不見橫空疋練纏織烏條

忽中斷如逸逋燕丹飲泣荆卿歌剗腸韓市輸狗屠方今三冬瑞雪滿郊甸雲收風濟日煖聞歌宴殘霓欲歸無處所隱入吾家玉溪硯此硯得之自粵東我嘗置之几案呼玉虹滃雲膚寸蟠蛟龍七字銘之辭亦工蘸墨揮毫作健語不作魚蟲爾雅箋章句正恐蛟騰龍起硯無與一旦春霖欲霽化作寒光上天去

春夜宴

畫堂吹笙泣鳴鳳蠟花雜遝行烟重凝華結藻雲翺翔洞庭雨脚拖瀟湘醜顏厭輔顰青蛾一雙瞳人剪綠波侍女繽紛耀綺羅瑤琴寶瑟天上歌輕風小煖弄紈扇粉落紅嫣擎翠鈿送鉤狼籍玉杯忙衣帶不勝憐燕燕



春光拋人疾如箭鳳珮鸞裾夢中見

少年行

少年重游俠欲犯世所難所恃一劍全磨礪登層壇昔者荆卿待客咸陽市此客失名語誰是古人不見長相思今人相思奚足倚奚足倚可奈何扞衣獨走臙脂坡趙女鼓瑟燕姬歌銀河倒瀉金叵羅糞土百萬擲樗蒲家無擔石世所呵

梅花觀

洞門空寂鎖烟霞灰冷丹爐道士家春煖儘鶯銜柳色天寒有鶴守梅花

人日小飲方拱樞雲洲草堂分得發字

和風菜甲生春盤應佳節賓朋集華堂屐齒嵌晴雪滿眼半耆舊引年尙結襪清談一開襟把酒容散髮竹林與蓮社風流未消歇四座盡染翰詩與花爭發日暮興未闌捲簾掛新月誰寫西園圖欲倩米顛跋

贈妓

碧玉髻年始破瓜香風十番浣春紗楊花燕子爭攀入捲上珠簾是妾家

湘簾半捲燕簷窺兩道春愁滿鏡垂傳語官街新樣柳一時齊學畫蛾眉

江上春風坐阿嬌廣陵散奏廣陵濤相逢不是臨邛客一片琴心未許描



鍾陵十載見雲英細馬嬌馱唱渭城曳石悲歌卿莫咲  
還須憐我未成名

悲歌行

不服玉屑引長年居人飲食豺虎邊不剪秋雲補短褐  
居人袒裼泣風雪秋光蕤蕤滿牕牖剪紙招魂臥清書  
慘日照眼丹楓肥酸風着肌黃菊瘦病軀時隨罔兩過  
俠骨久落專諸後君不見子桑病雨饑欲死袁安卧雪  
僵不起慚愧何由得盛名坎壈纏身徒似此

舟行

九里灘頭十八灣扁舟坐趁暮潮還書雲錦字一行鴈  
抹霧香鬟幾點山

古別離

秋風何離離遊子天一涯我思君子兮瘦日牽紅旗單  
衣臥黃沙君子思我兮閒館空牀維鵲有巢維鳩在桑  
蒼鼠竄賊虵蜿蜒雄者遠適雌者藏離魂兩悄悄弦月  
各獨照桂樹三飄香蟋蟀今已老側目青雲數歸鳥鴛  
鴦飛去秋天杳

秋日贈楊大鳧令

天成骨髄不諧俗腹載經書走饘粥長歌短吟軸千卷  
墨珠滴瀝書百斛道路蟠足鞭鐙裂風塵務面顏色黷  
歸來憇息茅屋下瘦石寒花遣幽獨丹者江楓黃者菊  
憔悴斯人滯空谷與君結伴六載餘相看猶是鬢俱綠



人生有命未有時，嗔我抱甕學端木。是非真偽復何有，書馬尾五不足六。秋江冷菰市，不鬻涕淚橫。落風憐目，鎮日微行遍國中。幾處迎門款，修竹相對太息作何語。牽裾往乞仙人卜。

莊五月采生子，彌月招同在衡臯。聞爨公企瞻小集。

扶桑日照東海陬，海中仙果香苞稠。漆園莊生得吉兆，云有雛鳳來丹丘。繡襍臨盆笑駢脅，孔釋抱送誰能儔。親朋讌集卜長夜，天官部曲催酒籌。飲可八斗醉二參，催花喝月無停休。座中許郎最綽約，飛瓊飄舉仙裾留。在衡劉生乃與噲等伍，彘肩生唱操戈矛。爨主人更酌清

歌喉綺牕小女含，咿嘔彭錢老孫用。眼聽但覺耳畔風，

颼颼企瞻重聽而善審音頹然欹坐是憚老。餘影照壁形偃僂，臯

唐生拍手大笑劇，客欲逃去強挽摟。深盃百罰不顧惜，侍童僵立凝倦眸。紅燭厭厭靄氣浮，老嫗抱兒紅錦兜。頭玉礲礲迥然異，公侯袞袞莫與侔。咄哉莊生善箕裘，况有乃祖貽孫謀。

送楊二仲嘉之浙江

纖塵不染泛春波，兩岼清風起棹歌。別後西湖都付與，樽前南浦奈愁何。幾同蓮社招元亮，獨上蘭亭繼永和。羞澁空囊無可贈，玉溪詩本費磋磨。以義山詩三卷贈之

送楊大之江右



烟月蘭陵春已半西江棹發行人緩滿堂賓客曲未終  
門前別柳風嘶斷豫章松門石鏡懸照入山陰百丈鳴  
飛泉漱灑猶殘杏花雨樓閣還滯秋屏烟糝糊一片浪  
花白夜渡濂溪拾海月灞頭車轍落英滿山腰酒幟揚  
風直君不聞荒鷄嘈嘈午夜鳴千里百里契闊同其情  
迴峯疊嶂夢魂懶使我獨坐春愁生

南朝

自古繁華作帝家六朝宮怨泣琵琶只今歌舞銷沉後  
鐵鎖長江蹴浪花

渡洋子江夜宿瓜步

兩道青山送驛程金焦還憶舊題名廣陵潮走隋堤靜  
郭墓風高晉水清灌莽山城蒙敗菊酸辛客况劈新橙  
寒砧半夜敲殘月又促行人犯曉行

西溪

好月留人倚玉簫萬家燈火照金貂歸來不辨西溪路  
依約新荷正抱橋

觀剪綵燈屏贈杭州夏治楨

筦箱尺素輕烟籠天孫纂組移天工燕尾雙環劈魚口  
綵花爛熳傾隋宮隔座熒熒照蘭炬六朝人物金玲瓏  
羅衣長袖從迴風亭亭玉立雙芙蓉浮光吐艷媚花柳  
曲屏夜合巫雲峯瑤臺仙子衣無縫鸞裾十二素女從  
煉石補空五色鎔七襄織錦朝霞烘瞿塘三月飛綠水



舳艫直上春濤衝十八封  
姨飽颿腹蒲牢哮吼雷豐隆  
老馘役鬼懸正令劍芒閃爍  
蜚長虹九關伊阻陰霾蒙  
腊鬼作糧盞有饒并州健兒  
意氣雄跨驢短褐毛璫  
撞仰面天山接飛鳥銀瓶索  
酒澆喉隴西方古佛不合口  
笑殺狡獪諸兒童海上青桑  
橐中改六橋依舊桃花紅  
雕獠刻鵠安足擬斲輪只數  
西陵翁錢塘月色千頃碧  
歸來騎鶴腰纏克况兼賦筆  
摩蒼穹吳山越水何終窮

月夜

蟾蜍挾月流紈素六曲闌干  
花影度深閨夜良人語闌  
自理雲鬟濕香霧猶憶年年  
江上月苻帶營愁細如織  
身比楊花不自禁春風故故  
相欺得青鞵席帽空歸來

共坐寒輝照顏色

紅蓼詞

君采紅蓼花妾唱紅蓼詞  
秋風獵秋草何處不相思  
雨面泣斜陽似我顏憔悴  
猶是帶殘紅多因昔酒醉  
落葉葬青草枯根埋碧泥  
蕭蕭只雨立夜伴寒螿啼  
力掙茅簷下如對秋風語  
况味同於人相憐不輕取

書寄莊五

空堦舊雨兼新雨迭迭輕寒  
換殘暑日日長將一片心  
遙遙掛在三珠樹一曲棹歌  
雲水荒江草江花斷客腸  
願持莊生作明鏡歸來照我  
顏色蒼

雪夜山中寄衣



疊壁妝瑤臺瀑布飛瓊屑愁雲濕木綿沒馬斷車轍申  
歌黃竹哀重別灞橋絕遠客悲其行離婦思所切不知  
腰帶今何如免對黃精哭山雪

別廣陵焦萬士

歸思如風颿別情若駑馬駑馬多踟躕風颿千里瀉焦  
君千載士古道敦風雅邂逅金蘭交夙昔白蓮社西方  
古刹地天香聞般若西方寺萬士讀書處琅琅讀書聲開卷漢鼉  
賈佳會難復得心沸金躍冶來時柳欲青去時楓再赭  
江天限南北終古不可假年年秋鴈飛中情浩難寫

招鶴圖

健翮時高騫暮雲低空磧長天月徘徊落影數千尺南  
山距北山山山浩無跡江陵赤壁下蒼烟晚蕭瑟乘風  
早歸來吾家有薛稷請寫青田圖掛君常在壁

送董二叔魚

歲暮歸田廬開春淡無與買舟入城市聞君濟南去濟  
南屬縣平原縣平原昔爲趙州土君心自抽五色絲罷  
却雕龍復繡虎君家下帷春帳寬梅花夜月金井闌坐  
臥糟丘幾日醒縱橫繁露何時乾

分綠軒

蕉陰十丈辟塵埃嫩綠平分興自佳小雨晨光聞點葉  
半天秋色落空階

陽羨訪吳拱旋



龍興詩鈔卷一  
煙沉碧樹叢柳暗青山郭客子爲探幽採茶負笠箬裹  
飯適莽蒼綠荷代囊橐書聲來屋底樵歌互響答披榛  
尋舊蹟云是百緡宅石池黑蛟蟠香花紅雨着紙牕宿  
燈火石鼎句聯絡中繡峨眉峰插碧天錯莫

哭吳拱旋

秋江蘆荻鴈空羣劍脫西陵夢裏雲壯士白衣歌薤露  
夫人紅淚泣羅裙

古意

絲絲綠楊岸儂家住翠樓東風收不住掛搭闌干頭姮  
娥在雲端隔簾相對愁兩家結姊妹棗栗通綢繆

題若營一竹齋

一竿青玉自栽培不遣繁陰礙月來應是蒼龍收爪甲  
爲君小築撼風雷

徑寸霜皮千丈具篔簹谷卷記坡公若將畫理通書法  
收取乾坤一竹中

若營善書法

浮筠聊借一枝棲只此長叅玉版時記取石頭山下路  
閒來節節看題詩

七賢散髮竹林憨一竹牽情也結庵我與此君相對飲  
總邀明月只成三

芭野詩鈔卷一終







